

難

經

正

義

難經正義序

文學玄臺馬君名蒔習於醫與余交數年
矣屬者本其宗祖立醫而父叔師岩蓮峰
白峰雙泉方泉諸君之訓著難經正義八
冊清余叙之余覽其大都亦可謂用意精
詣辨辭明暢庶幾窺古聖賢之風焉扁鵲
者軒轅時扁鵲也隱居巖壑不登於七人

之列而自作八十一難以後秦越人註之
今書稱扁鵲秦越人以二蹟為一名非也
自秦燹以來至於今無慮千五百歲始皇
焚書之時八十一難安知有全冊乎譬如
尚書藏壁尚有古今之殊而此難經出於
人間世者與古異矣玄臺之言曰內經可
以經稱而難經則以內經為難其經之一

字正指內經之經耳非越人自名其書為
經也其旨當哉夫夫蘭奇咳榮衛順逆之
微陰陽剛柔節宣之大其見於六脉者漢
唐宋良有明醫而是非互爭彼此相詆至
於臨代櫻寧生傳乃宋文憲景瀛公之文
頗似太史遷倉公傳玄臺以考究之妙心
察前晰後擊節廊象於八十一難又發其寔

通之用而合於越人倉公繼撝寧之步亦
可敬也夫太和絪縕是生黎庶又生天子
以主之相臣以輔之而天下平其有風寒
暑濕疥疾以醫療之針灸湯齊救之則天
下之元氣神氣達於兩間豈不有濟壺之
功哉嗟夫神農嘗千藥素問論腑臟至細
至密其端無窮後之習醫者當以正義為

引導之師

萬曆八年仲春十六日

賜進士第尚寶司司丞承德郎前翰林院

編脩纂脩

實錄

經筵展書官華亭泰熾陳懿德撰

難經正義序

余讀太史公扁鵲傳其治趙簡子
號世子疾投之靡不輒効者嗟夫
何其術之神哉乃所著難經一書
發明素問靈樞之旨於千百禩之
後又何其言之淵懿弘邈迺爾哉
中季脉理湮淪傳註舛錯遂令

三焦營衛關格經絡大與內經倚
謬余檢方書爲之撫然吾浙會稽
玄臺馬君時以文學高等兼精
軒岐家言旦宵手難經一編時掩
卷嘆曰所謂難經云者固欲因經以
設難耳今顧緣難以漓經夫豈作
者意哉下帷精研遂註難經正義

若干卷其言星分某列實折謬明
一以內經為的余獲而卒業焉蓋深
得扁鵲不傳之秘其於黃帝沙義
二重有補矣夫醫以惠民其義閑
遠哉

朝內設醫院外設惠局甚盛典也至
嘉隆間訪書賑藥時

詔使海內其間能究經難兩書之旨
者幾何自此書出而三焦營衛闕格
經絡犁然昭揭君之有功于國家醫
道也豈渺淺哉君游吳越間其所
隨病隨馳者大都奏奇効薦紳先
生每擊節稱之君之神于醫固不直
著述為然矣昔扁鵲受禁書于舍

客長桑君始以術雄今曩君無乃不
遇神人飲以上池之水盡見五臟癥結
特以診脉為名者耶書梓于雲間山
泉徐君明臺陳君文谷盧君為之乞
言於余以重嘉是書可傳遂題之篇首
奉政大夫同知直隸松江府事仁和
梅屋主人鄭復亨頓首撰

難經正義序

天地氤氲之氣周流六虛其融結翕散為寒暑之候至變也人之生橐籥於五行神官所輸挾氣而運寒暑之變其疇違之茲軒岐內經之所為作也其辭微其旨邃遐哉神聖之致乎匪難焉曷繹也秦越人得長桑君言飲

上池水見垣一方人神矣廼作難經
難內經之旨也庶幾於通軒岐之致
矣何哉逖道湮真詮日逸于稽難經
所宣釋陰陽剛柔營衛關格之類大
都謬於作者詎越人所為羽翼聖經
者耶父學馬君蒔博雅士也嘗究觀
寒暑之變會通天人之理於內經有

神解焉懼難經之支流蝟興舛訛嗣
闕而宗旨愈淆也廼作正義以暢闕
導闕諸所論著核而序微而章經而
不詭辯而不靡蓋疊二乎入室矣使
越人可作足按鏡也其所裨於內經
豈淺鮮哉余謂天地之氣麗於人良
醫導之以藥石聖人和之以至德毗

之以人事，故體有可蠲之疾，民有可
殄之災，通乎數也。太上之世，人晉內
舍外，嬉而鼓舞，長眎於仁壽之域，豈
直保合淳龐之氣爾也？其亦有為之
節宣，煦育者矣。後世寓內之氣，日漓
民多，陵役其聰明，以潰逸神理，賈疾
苦而斲遐笑，不有至德人事以節宣。

煦育之則淳龐之氣不可還而矢札何以藉也故夫藥石之用曰乎時而神化之理存乎變通軒岐之致而可以壽天下矣

萬曆己卯冬日華亭勅齋馮行可撰

難經正義叙

夫醫理精哉觀二儀窮萬彙探
陰陽之化順寒暑之節非神聖
不測其旨矣調攝群生保合太
和功莫茂焉昔者軒轅氏出迺
與岐伯之徒更相問難講究脉
理制為方藥是內經之所由作

也秦越人授術長桑公稱飲上
池水見垣一方醫精矣然以視
軒轅氏術當益加焉而作難經
夫難經者難內經也神聖之作
當何難哉曰神聖之作無所事
難迺其古玄妙後世罕閱非解
其說不明非辯其理不暢故難

經者余以為數者抽秘羽翼而
經者也豈講軒轅之業而操戈
相向乎即其間與內經之旨似
稍有一二不合其大要同矣如
後世不廢神聖之術則越人此
書雖與六經註疏並傳可也而
會稽馬君時者以諸生講時後

方已棄去諸生業業醫故近世
推此術以馬君為最何者他人
從里閑授一二古方畧解脈理
緩急藥性溫涼輒列肆而談軒
岐彼其智不過自為謀生一切
偷取天幸射利爾試語以內經
茫然何物也馬君故名儒語云

儒而醫業作壅况君令青衿中
表表者哉然則徵醫當世無先
君者矣而君又制難經正義內
經之理得秦越人而明難經之
書得君而傳功鉅矣余與君有
鄉曲之雅故僭為之叙

萬曆七年四月穀旦

明州屠隆拜手書

屠隆集卷之

三

一覽錄

難經正義凡例

一儒者之道以六經爲宗旨。而學庸論孟則得六經之

正義。而一以貫之者也。至於諸家子史。殆有純駁之

殊矣。醫者之道。以內經爲宗旨。

按內經先六經而作。難經則作於春秋之後。

世其間大義盡以內經爲難。何後世妄解內經爲秦漢儒者之所附會。春秋先也。秦漢後也。豈有內經出於其後。而難經預有以難之者。况內經一書。非軒岐之神聖。其孰能知而作耶。而古今諸

賢皆有作述。其間翹然表著者。代有其人。然而六經

之正義。燦然昭明於萬世。而內經之正義。則未有能

貫通於後學者。何也。良以難經雖以內經爲難。而不

能盡合於內經。故後世學者。止以難經先入之言爲

主而於內經正義則有所扞格焉耳。假如一難言一
呼脉行三寸。一吸脉行三寸。未嘗言有宗氣出喉嚨。
司呼吸以行經脉之隧。今按靈樞五十營五味邪客
刺節真邪等篇。則知大氣即宗氣積於育中。即膻中而後
能行乎經隧。經隧二字。見素問調經論靈樞營衛生會營氣官能等篇。此難經之
所未及。而後世之所不明者也。又如言營衛行陽二
十五度。行陰亦二十五度。故五十度而復會於手太
陰。今按靈樞營氣衛氣管衛生會等篇。乃知宗氣營
氣同行於經隧之中。始於手太陰。而復會於手太陰。
難經乃撮管衛生會篇。常與營俱行於陽二十五度。

行於陰亦二十五度一周也。故五十度而復太會於手太陰數語。顧於營字下增一衛字。致使後世之人皆疑衛氣與營氣同行。而皆會於手太陰耳。今又按靈樞衛氣行篇。則知衛氣不行經隧。而行於各經皮膚分肉之間。且始於足太陽。而復會於足太陽。其所謂同會於手太陰者。非也。又如三難以寸脈爲外。以尺脈爲內。寸脈入尺爲覆。爲內關外格。尺脈上寸爲溢。爲外關內格。至按素問六節藏象論。靈樞終始禁服脈度四時氣等篇。皆以左手人迎爲外。爲陽脈。故人迎大於氣口者。爲病在六陽。爲外格。右手氣口爲

內爲陰脉。故氣口大於人迎者。爲病在六陰。爲內關。
乃知左手人迎。定名曰格。右手氣口。定名曰關。諸篇
無以異者。並未嘗言寸口爲外。而尺脉爲內。又未嘗
卽於尺寸。而以關格互見也。然此三難亦似近於理。
至於三十七難。則引脉度篇之言。陰氣太盛。陽氣不
能營也。本名曰關。此難則誤指曰格。陽氣太盛。陰氣
不能營也。本名曰格。此難則誤指曰關。其相背又甚
遠矣。至論三焦之義。則三十一難言上焦在胃上口。
中焦在胃中脘。下焦在臍下一寸。六十二難言三焦
行於諸陽。六十六難言三焦爲原氣之別使。並未嘗

有言宗氣營氣衛氣之說。按靈樞五味邪客刺節真邪。營衛生會等篇。則知有宗氣出於上焦。營氣出於中焦。衛氣出於下焦。此乃上中下之三焦。內經何嘗遽指爲手少陽之三焦也。其二十五難三十八難言手少陽三焦有名而無形。愚思上中下之三焦。止一氣耳。固有名而無形。而手少陽之三焦。非止於氣而已。按靈樞本藏篇言腎合三焦膀胱。密理厚皮者三焦膀胱厚。粗理薄皮者三焦膀胱薄。黃帝繼之以厚薄美惡皆有形等語。靈樞論勇篇言勇士三焦理橫怯士三焦理縱。靈樞歲露篇有腠理薄等語。夫既有

名無形何為有厚薄緩急直結紋理橫縱也又何為
素問厥論氣府論繆刺論靈樞根結經脈經別經筋
等篇俱言手少陽有經絡俞穴血氣筋脈本別疾病
也此則手少陽之三焦內經何嘗遽指為上中下之
三焦素問欬論言久欬不已則三焦受之王冰註云
三焦者非謂手少陽正上中下之三焦也分明自有
分別焉得混而為一設使二項相同內經自有明旨
矣惟難經則論上中下之三焦者既不言有宗氣營
氣衛氣而直指為手少陽之三焦如三十一難六十
二難六十六難之
謂至有論手少陽之三焦者則又竟指為上中下之

三焦

如二十五難三十八難之謂。

况夫二項功用迥異焉。得相同

按素問靈蘭秘典論黃帝問十二藏相使之貴賤而

岐伯答以三焦者決瀆之官水道出焉。

靈樞本輸篇指爲中瀆之

府膀胱者州都之官津液藏焉氣化則能出矣言右

腎合三焦左腎合膀胱而有決瀆化液之功也此乃

二府之斷案其功用必不能並上中下之三焦也明

矣。上中下之三焦行脉路以通十二經而手少陽之

三焦則司其決瀆之職而已。烏能比而同之耶。且上

中下之三焦以三部而得名也。

猶云三停之謂。

手少陽之三

焦如曰膽曰膀胱之類有府斯有名也是必名同而

子東堤此
難知集問
二焦有異似
既疑矣情未
可備考內經
公昭顯上

實異

如腹中論之代梁陰陽別論之息音根結篇之命門俱與難經有不同者

抑亦焦照

字體互書訛傳故耳此亦自古之所未明而末學之

所駭聞者也

愚於三焦之說乃自內經各義參照者與營衛關係的有實跡者似異然昔人

嘗以三焦心包絡俱為有形立說見銅入書及三因方與徐遁所論非特愚有是私臆也今載二十五難

考證之下高明者其酌而

之

又如三十二難言血即為營殊不

知營本陰精

氣而血乃營氣之所化也今考營衛

生會篇言營氣化血以奉生身邪客篇言營氣者泌

其津液注之於脉化以為血及靈樞本神篇言肝

藏血血舍魂脾藏營營藏意分明營與血異焉得謂

血即為營耶但此營字素問營榮互書靈樞全用營

字。况明有營氣一篇。還以營字爲的。蓋隨宗氣以運
行於經隧之中故也。古字多有假借。大義已見一難
二節之下。豈得以榮字。而遂釋爲榮者華也。至於以
氣爲衛。當知氣有陰有陽。衛則一陽氣耳。此語亦不
免於有疵也。如此類者。皆有戾於內經之旨。愚夙承
先君嚴訓。誦讀內經。凡素問靈樞。共計一百六十二
篇。其間大義所關者。固不揭其旨要。而類集之。爲日
旣久。積以成帙。遂將素問靈樞之論。前後印證。始知
黃帝岐伯少師少俞伯高雷公鬼史區外紀之言。一
一脗合。纖無彼此異同之分。惟難經所言。或彼此互

遺或前後倒置不繁則缺不晦則訛疑是世代綿遠
兵燹屢遭而淺學之士妄爲增損遂致越人設難明
經之意其失之太遠者如此乃敢忘其固陋爰卽難
經而註釋焉雖一文一辭悉以內經爲考證合則從
之不合則正之庶乎內經之旨得以昭明於萬世而
學者之於內經皆知有入道之門矣右論難經未合
內經故當以內
經而正難
經之失。

一按漢志有扁鵲內外經史記作扁鵲傳叙扁鵲姓秦
名越人齊渤海人家於盧國故名盧醫黃帝時有神
醫曰扁鵲當時以扁鵲稱越人其受長桑君術治趙

簡子號世子疾。及知齊桓侯疾之不治。靡不詳書。並無著難經之說。隋志始載難經。唐志始屬越人。吳呂廣。唐楊玄操敷演厥義。次類十三。以其趣未易測。讀難爲平聲者。有以也。至宋虞庶亦然。其間丁德用。周仲立。王宗正。紀齊卿。張元素。袁淳甫。謝堅白。陳廷芝。李晞。范滑。伯仁。皆宋元人也。以迄近世。薛宗立。張世賢。俱作去聲。其義爲正。秦漢以來。答客難諸作。皆本此。滑伯仁謂諸家解義。馮氏丁氏傷於鑿。虞氏傷於巧。李氏周氏傷於任。王呂晦而舛。紀氏大醇而少疵。惟謝氏袁氏殊有理致佳趣。今以愚綴論之。張元

素註後議藥無乃刻舟求劍之意李晞范首繪天神似流釋教而臆說不經難以摘議滑伯仁註解既闕考證不全較之他義則少優耳熊宗立張世賢有註與圖而語多不倫是諸賢之爲書者如此然皆徇難經而無以正其失遺內經而無以究其源卽如前篇所論之失旣皆不能釐正至於七難之論三陽三陰十難之論剛柔微甚十六難之言六十首十八難之論積聚痼疾十九難之論女得男脉二十難之言重陽重陰二十三難之言寸口人迎三十難之言清者爲營濁者爲衛營行脉中衛行脉外三十一等難之

論三焦。三十二難之言。血管氣衛。三十五難之論。六府非清淨之處。三十七難之論。開格。四十一難之論。太陽太陰。五十八難之論。寒熱。亦未有究竟其義者。若夫六十二難已後。則越人之言甚精。緣於靈樞相合。而後人則失其大義者多矣。是以內難兩書。義若霄壤。而歧黃經典。僅同覆瓿。昔人謂補周禮者。自劉德始。壞周禮者。亦自劉德始。疏周禮者。自劉歆始。晦周禮者。亦自劉歆始。然則內經難。而無以同其義焉。其殆劉德矣乎。難經註。而不能正其失焉。其殆劉歆矣乎。愚故悉以內經正之。豈敢以已意附會。而非越

人與諸家哉。

右述諸家註釋。不能以內經而正難經之失。

一難經八十一篇。丁德用輩以爲燼餘之文。愚按漢書藝文志曰。黃帝內經十八卷。素問卽其經之九卷也。兼靈樞九卷。廼其數焉。今各析爲十二卷者。唐啓玄子王冰也。又析靈樞爲二十四卷者。宋史崧也。是皆未識神聖之意。故迭分卷次如此。今考素問九卷。其數八十一篇。靈樞九卷。其數亦八十一篇。素問離合真邪論。黃帝問曰。余聞九鍼九篇。夫子乃因而九之。九九八十一篇。余盡通其意矣。又靈樞九鍼論。岐伯曰。夫聖人之起天地之數也。一而九之。故以立九野。

九九八十一。以起黃鍾數焉。若此者。大都聖神經典。以九爲數。而九九重之。各有八十一篇。意者陽主生。陰主殺。而老陽之數極於九。天地之大德曰生。故神聖制爲經典之數。必相符耳。今愚知難經止有八十一篇。非未全之書。而敢於析爲九卷者。一以體神聖之意耳。彼諸家以燼餘爲說。豈亦未之考歟。且內經篇目浩瀚。義理淵微。其所可難者。宜不止此。無惟乎諸家之有是疑也。但後之君子。有能續而難之。如丘瓊山大學衍義補之作。豈不有助於內經也哉。右論止有八十一篇。當析爲九卷。以仰體神聖之意。

一難經既以內經爲難。則凡各篇稱經言者。皆宜本之內經也。但越人有經言二字。而未嘗明言出自何篇。今據各篇經言。以考素問靈樞等篇。有全同者。有半同者。有偶有一二句相同者。有全無一二字相合者。是果經言竟失於越人之後耶。抑亦越人有自發本意。臆之爲歧黃之所必言。而遂指之爲經言耶。愚今徧考內經。其全無者。則亦已耳。凡有正義相同。則明指曰。本難之辭。出自某篇。名曰正考證。若有字面意義稍合。則亦類纂之。以脩覽觀。名曰附考證。凡百君子。幸勿以大義未合而見咎焉。蓋難經止有八十一

義耳。設欲以盡合者而始入之。則內經之見遺者多矣。况神聖精微之辭。如趙璧隋珠。寧失太詳。毋失少畧。不然。則後學何由以博覽耶。右論考證不敢不詳。故有正附之分。

一按靈樞者。隋書經籍志謂之九靈。唐啓玄子王冰復名曰靈樞。今考八十一難。出自靈樞者。十之六七。出自素問者。十之三四。蓋春秋已前。鍼法必重。故越人述靈樞者居多也。宋史松序靈樞云。世所奉行。唯素問耳。是慨世之重素問而忽靈樞也。觀王冰註釋素問而靈樞全未之及。則史松之言。有自來矣。以故靈樞之義。益不明於後世。而學者之於此書。猶瞠瞠之

不知有日月雷霆也。凡此難經之論營衛三焦經絡關格血氣俞穴無由印證。况望其能精於鍼法以救世疾哉。今觀靈樞一書并焉有條。學者先明經脉經別經筋骨度脉度腸胃平人絕穀本神本藏本輪根結背俞經水海論五閱五使陰陽清濁陰陽繫日月順氣一日分爲四時。天年五味衛氣失常動輪通氣五味論陰陽二十五人五音五味等篇則人身之經絡大體明矣。又識五十營營氣衛氣衛氣行營衛生會等篇則人身之營衛明矣。又識邪氣藏府病形壽夭剛柔終始五邪寒熱病癲狂熱病厥病病本雜病

周痺。口問。師傳。決氣。五癰津液。脹論。五亂病傳淫邪。
發夢。五變。五色論。勇論。痛水脹。賊風百病始生。上膈。
憂恚無言。寒熱邪客論。疾診尺。九宮八風。歲露論。大
惑論。癰疽等篇。則人身之病機明矣。又識九鍼十二
原。九鍼。小鍼。官能。行鍼。禁服。逆順。肥瘦。四時氣血絡。
外揣。逆順。玉版。五禁。刺節真邪。九鍼論等篇。則人身
之鍼法明矣。引而伸之。觸類而長之。而靈樞八十一
篇之大義。纖悉靡遺。惜夫歷代君子。不能厲精註釋。
而卒使神聖經典。如玉在璞者。萬世也。愚今竊有志
焉。嘗於素問分解。以訂王氏之訛。又於靈樞詳釋。以

發神聖之蘊。隨其此書讀出以求正於四方。第未知

是天之心。其果憫愚之志而全之否乎。右論難經多出靈樞。

一愚見後世醫籍不分內經。或出素問。或出靈樞。皆名

經曰。至有引難經者。亦名經曰。豈知內經可以經稱。

而難經則以內經爲難。其經之一字。正指內經之經

耳。非越人自名其書爲經也。惡得而稱之爲經曰耶。

又有內難俱無者。亦有捏稱經曰二字。不過以內經

浩繁。知之者鮮。故妄稱經曰以欺世耳。是在醫籍中

之甚多者。學者凡遇經曰。當明考所自可也。故愚於

每難考證之下。必書素問某篇。靈樞某篇。無敢少忽。

將望學者對證之詳。而領畧之易也。且使素問靈樞等語。朝玩夕誦。久久純熟。則不惟他書之有經曰者。洞然無惑。而於內經一書。漸有入門升堂造室之趣矣。

右論考證出處必詳加素問靈樞字面以便覽對。

一愚於考證之下。凡出自內經。有大書者。以其為聖經也。有細書者。以其猶假於愚之詳註也。又有出自群賢之書。與愚自言者。皆細書之而已。無敢與經典例也。大法如此。而君子可無大書細書之感矣。

右論考證有大書細書之分。

一難經既以難字命書。故每篇發問之辭。各有何謂也。

可知以否等語何越人所答者皆以然字起句似非
答辭文義要知越人此書廼自爲問答若有擬議之
意故用此一然字耳愚釋此書凡越人問答辭氣恐
有不合致使失漏本旨及初學之士未易領畧並不
敢遺下正文一字其第一難三十難三十二難另一
註法者所以明營衛氣血正義也又不在此例論若
夫每篇然字或易以別樣字面必失越人辭氣故愚
斷不敢易較之近世答辭文義若有未合君子幸無
病焉

右論本註文法
皆宗越人口氣

一歧伯少師皆謂人身與天地相參

此語見素問欬論
靈樞經水皆歧伯

言歲露篇乃少師言邪客篇伯高論人與天地相應尤為詳悉故靈樞五十營篇以

經脉流行上應二十八宿下合漏水刻數見本陰陽

繫日月篇以經脉十二合十二月見本經水篇以經

脉十二合十二經水見本海論以人身有四海胃為

之海衝脉為十二經之海膻中為氣之海腦為髓之海合於東西南北之四海

見本陰陽二十五人篇合於金木水火土宮商角徵

羽見本衛氣行篇以衛氣之行應二十八宿日行次

舍漏下刻數見本凡若此者不一而足故此書各篇

之圖必以相合者繪之非不可者然有等舍其正文

本義而入以高遠之說如李晞范繪手足陰陽流注

之圖分布二十四氣於周身之外。考其方位全與陰陽繫日月篇不合。張世賢第一難。以十二經分配十二時。則一經止行一時。安能一晝一夜而五十度周於身。熊宗立以十三經配二十四氣。強以一晝一夜之息數脉數爲合。是皆茫昧無據也。又張世賢第二十三難。止繪十二經合十二月二十八宿八卦之圖。而本難脉度流注。竟無可考。三十難管行脉中衛行脉外。又分黑者爲血。白者爲氣。而貼脉流行。不知營氣循經。衛氣不循經之義。四十七難襲用李晞范手足陰陽流注始終之圖。不以諸陽行頭。諸陰至育頸而

還爲說。凡諸賢似此失者。難以悉舉。致使正文本義。無由明考。後之學者。素苦醫籍浩繁。而又視此等之圖。益興望洋之嘆矣。豈知岐黃謂經脉合十二月。其流注應二十八宿。外合十二經水。而其所重本義。不在天地而在人身也。今忽人身之正文本義。不加詳悉。而又以不合者強附之。尤非矣。愚今繪爲各圖。必以正文本義爲主。而高遠之說如前人者。莫敢入焉。庶俾學者得有所領畧也。右論所繪之圖。必以內難正文本義爲主。而使學者

明之易

一世人每讀內難等書。凡遇鍼灸經絡膠反力條穴等語。

則甚忽之。皆曰某大小科。某內外科。某司女科。皆非鍼灸科也。於經絡腧穴何與焉。殊不知歧黃問答。專以論經絡為主。惟經絡一明。然後知脉係何經。病在何經。藥宜何經。了然無謬。如古之善射御者。自有得心應手之妙焉。假如腹之中行。係任脉一經。開兩旁。係足少陰經。又開兩旁。係足陽明經。又開兩旁。係足太陰經。此皆在腹中者。其乳之在上在旁。係手太陰少陰厥陰經。又開兩旁。則在兩肋。係足厥陰經。又肋之後背之旁。係足少陽經。其脊之兩旁四行。係足太陽經。若脊之中行。係督脉一經。手之外廉。係手三陽

經手之內廉。係手三陰經。足之外廉。係足三陽經。足之內廉。係足三陰經。頭乃手足六陽所會。如耳前後。係手足少陽經。顴上下。係手足陽明經。兩背旁。係手足太陽經。其鼻之上行。仍係督脉一經。又凡各經支別交會。與夫足三陰皆循喉嚨。挾舌本。又足厥陰隨督脉會於顛。雖未得脩陳分寸起止。實乃十四經絡之大畧也。內經所謂分肉者。分肉二字。見素問痺論。骨空論。水熱穴論。調經論。靈樞本輸。衛氣。終始。邪客。四時氣等篇。正指此耳。至於奇經八脉。亦皆有起止病患也。假如兩肋痛。及有毒。便知其為肝經。不分內外男女大小。皆可識證用藥。稍近後。便知其

爲膽經。則又當隨證加減矣。由此言之。則凡十四經所在。皆可類推。若不明得經絡。腧穴。何以知其爲何經受病。宜用何經藥餌。昔人有言曰。不識十二經絡。開口動手。便錯。愚亦曰。不識鍼灸。腧穴。何以得明經絡。信乎明得經絡。乃爲醫家第一要義。古之人所以日造於神聖之域。今之人所以日流於庸常之歸者。其源正判於此。故欲識醫道。當以內經爲主。欲明內經。當以難經爲始。欲明難經。當明經絡爲先。此乃入門造聖之階梯也。難經自一難。以至二十八難。大約論脉。止有第十二難一篇。論鍼灸耳。自二十一難至

六十一難雜論病證脉體藏府經絡三焦奇經等項
自六十二難以後無非鍼灸補瀉及并榮俞原經合
等論學者慎毋忽之。右論經絡膠
穴之當明。

一愚於是書分截或有問答統節而無所析者或有問
答答分而爲每節者或有屢問屢答而并爲一節者
其法似殊其必協諸義焉則一也。且愚成是書一本
之父叔師巖蓮峯白峯雙泉方泉諸君平日訓愚曰
汝好醫乎。明經之功不可不盡也。及兄爲山君庭議
之詳。抵此雲間。又得無忌諸友王啓雲輩參閱。然後
私述於心曰。是書也。質之古典。有歧黃焉。昉之歷代。

有諸賢焉。訂之今時。有父兄師友焉。或可以盡今人
與居。古人與稽之志耶。方以自淑。非曰可傳。然有友
每錄而布之。則是非可否。自有神聖經典之大義在
也。及有天下萬世之賢達在也。豈愚一人自謂足以
盡之惟。

聖世盛時。大夫君子。矜其愚而采其可否焉。則由註釋以
明難經。由難經以窺內經。而神聖精蘊。或得以流行
於時矣。所謂登高行遠之一助者。其亦有在於斯歟。
右論此書或有補於經典之旨
惟大夫君子。矜其愚而采之。

莊經正義凡例終

難經正義各篇主意目錄

各節主意
見各節下

卷之一

一難論取寸口以決死生以寸口爲脉之大會

二難論脉有尺寸之名

共

三難論脉有太過不及陰陽相乘覆溢關格之名

四難論脉有陰陽之法

共

五難論脉有輕重之法

六難論脉有陰盛陽虛陽盛陰虛之分

七難論少陽陽明太陽太陰少陰厥陰各旺六十日

爲王脉

四

八難論有寸口脉平而死者以生氣獨絕於內

九難論別知藏府之病以脉有遲數之分

卷之二

十難論一脉十變卽五邪剛柔相逢之意

十一難論脉不消五十動而一止者爲腎氣先盡

十二難論陽絕補陰陰絕補陽者之殺人

十三難論五色與五脉當參相應脉與皮膚當參相

應五藏聲色臭味當與寸口尺內相應其明此者

有知一知二知三之分乃爲上工中工下工之異

十四難論脉有損至而尤歸尺脉之爲重

十五難論春弦夏鈞秋毛冬石之脉而極言胃脾所
係之重

十六難論得五藏之脉當得五藏之證候病體方知
其病在何藏

十七難論得此等病者當得此等脉而脉與病相反
者死

十八難論各經所以分爲上中下部及三部九候之
所主所治又知內有積聚外有痼疾之法

卷之三

十九難論男女之脉有恒有反

二十難論脉有伏匿而又有重陽重陰之脉者則病有爲狂爲癲證有見鬼目盲之殊

二十一難論人形病脉不病者曰生非有不病其息數必不與脉數相應_七

二十二難論脉有是動有所生病

二十三難論脉有度數及經脉流注絡脉隨行如環無端_{十四}

二十四難論各經氣絕死形何日病篤何日當死

二十五難論經之所以稱爲十二者以有心主手厥

陰心包絡一經

此語見靈樞經脉篇曰心主者以此經皆如手少陰心主之脉行也

此語見靈樞邪客篇

二十六難論絡脉之所以稱爲十五

二十七難論奇經八脉之所以不拘於經

卷之四

二十八難論奇經八脉之所起所繼

二十九難論奇經八脉爲病

三十難論營氣與衛氣相隨

三十一難論三焦所在所主所治

三十二難論心肺之所以居上

三十三難論肝肺所以有生熟浮沉之異

三十四難論五藏各有聲色臭味及七神各有所藏
三十五難論心肺獨與大腸小腸去遠及諸府宜受
不淨之物唯膽可以稱清淨之府

三十六難論腎之所以有兩

卷之五

三十七難論五藏上關於九竅及藏府有邪爲病致
脉關格而死正以藏府之氣其運行者未嘗止息
三十八難論府之所以稱六以有手少陽三焦一府
三十九難論府可稱五藏可稱六

四十難論鼻之所以知香臭耳之所以聞聲

四十一難論肝有左右兩葉之應

四十二難論五藏六府輕重長短藏納之數十二

四十三難論人不食飲七日而死之故十四

四十四難論七衝門

四十五難論八會十五

卷之六

四十六難論夜卧之際老人卧而不寐少壯寐而不

寤

四十七難論人面獨能耐寒

四十八難論脉病診各有三虛三實

四十九難論有正經自病有五邪所傷獨舉心以爲
例

五十難論五邪有五名獨舉心以爲例

五十一難論病有欲得溫欲得寒欲見人不欲見人
之故

五十二難論藏府發病根本不等

五十三難論七傳者死間藏者生之故

五十四難論藏病難治府病易治之故

卷之七

五十五難論病有積有聚之所由成

五十六難論五藏之積各有其名得之各有月日

五十七難論知五泄之法

五十八難論傷寒有五

五十九難論別狂癲之病

六十難論頭心有厥痛者生有真痛者死

六十一難論望聞問切所以爲神聖工巧

六十二難論府有井榮俞原經合之六者與藏有井

榮俞經合之五者不同以有三焦行於諸陽置一

俞名曰原

卷之八

六十四難論并榮俞經合所以各屬五行之故

六十五難論所出爲井所入爲合之故

六十六難論十二經皆有原者在於三焦之氣之所止而三焦之所以止於原者在於爲腎間動氣之別使故凡藏府有病者皆當取其原八

六十七難論募穴之所以在腹以陽病必行於陰俞穴之所以在背以陰病必行於陽

六十八難論藏府并榮俞經合之所以得名而及其所治之病

六十九難論虛實由於他經之邪所中者必補瀉其
母子而正經自病當自取其經

七十難論春夏之刺宜淺秋冬之刺宜深然亦有時
而反其常法者正以初用鍼之時欲取陰以和陽
而取陽以和陰

七十一難言刺營無得傷衛刺衛無得傷營之法

七十二難論迎隨之法在調經脉往來之氣而調氣
之方在察陰陽虛實之宜

卷之九

七十三難論瀉井者可瀉其榮見井穴淺薄不足慮

而凡補瀉者皆當得其宜

七十四難論四時刺五俞者以五藏中邪而五藏必繫於四時乃爲用鍼之要法

七十五難論肝實肺虛當行瀉火補水之法故一虛治而餘藏皆治

七十六難論從衛取氣爲補從營置氣爲瀉其陰陽有餘不足必先補其不足而後瀉其有餘

七十七難論上工治未病之藏而中工止治已病之藏

七十八難論用鍼者必先左手後右手而詳著用鍼

之法

七十九難論迎隨貴得其當在審子母而驗虛實可
卽刺心病者以爲驗

八十難論出鍼入鍼必驗氣之已至已盡以施其法
八十一難論病有虛實凡用鍼者當補虛而瀉實

難經正義各篇繪圖目錄

一難宗氣營氣行於經隧卽管在脉中五十度而復
會於手太陰衛氣不行經隧而行於各經分肉之
間卽衛在脉外五十度而復會於足太陽之圖
二難脉名尺寸終始一寸九分之圖

三難脉有太過不及覆溢開格之圖

四難脉有陰陽浮沉之圖

四難脉有一陰中有二陽二陽三陽一陽中有一陰二陰三陰之圖

五難脉有輕重之圖

六難脉有陰陽虛實之圖

七難王脉之圖

八難寸口脉平而死之圖

九難別知藏府疾病之圖

十難一脉乍變以五邪有剛柔五脉有微甚之圖

十一難五藏止脉之圖

十二難陽絕補陰陰絕補陽之圖

十三難五行相生相勝之圖

十四難損至脉病生死之圖

十五難四時平病死脉之圖

十六難五藏脉體證候疾病之圖

十七難病有常得不常得脉候之圖

十八難左右手相生之圖

十八難三部九候之圖

十九難男生干寅女生干申脉有常反之圖

二十難脉有相乘相伏之圖

二十一難形脉相反之圖

二十二難一脉變爲二病之圖

二十三難經脉度数流注之圖

二十四難陰陽氣絕之圖

二十五難經有十二之圖

二十六難絡有十五之圖

二十七難奇經八脉不拘於經絡之圖

二十八難奇經八脉起止之圖

二十九難奇經八脉爲病之圖

三十難清爲營濁爲衛營在脉中衛在脉外之圖

三十一難上中下三焦之圖

三十二難心肺在膈上之圖

三十三難肝肺生熱浮沉之圖

三十四難五藏聲色臭味液及藏七神之圖

三十五難五府不同之圖

三十六難腎藏有兩之圖

三十七難五藏十關九竅之圖

三十八難藏五府六之圖

三十九難府五藏六之圖

四十難鼻知香臭耳能聞聲之圖

四十一難肝有兩葉左三右四之圖

四十一難肝去太陰尚近離太陽不遠之圖

四十二難藏府重長廣大容受之圖

四十三難不食飲七日而死之圖

四十四難七衝門之圖

四十五難八會之圖

四十六難老壯寢寐相反之圖

四十七難人面耐寒之圖

四十八難脉病診三虛三實之圖

四十九難心受五邪證病脉兼見之圖

五十難各經有五邪心經爲例之圖

五十一難藏府病異之圖

五十二難府藏病根不同之圖

五十三難七傳間藏相生相尅之圖

五十四難藏府治病難易之圖

五十五難藏積府聚之圖

五十六難五積所得之圖

五十七難五泄之圖

五十八難傷寒有五之圖

五十九難狂癲病脉不同之圖

六十難頭心厥痛真痛之圖

六十一難神聖工巧之圖

六十二難藏并榮有五府獨有六之圖

六十三難并始之圖

六十四難并榮俞經合五行剛柔相配之圖

六十五難出并入合之圖

六十六難十二原穴之圖

六十七難腹背募俞之圖

六十八難手太陰陽明并榮俞原經合之圖

六十八難足陽明太陰并榮俞原經合之圖
六十八難手少陰太陽并榮俞原經合之圖
六十八難足太陽少陰并榮俞原經合之圖
六十八難手厥陰少陽并榮俞原經合之圖
六十八難足少陽厥陰并榮俞原經合之圖
六十九難補母瀉子自取其經之圖

七十難四時刺淺刺深覆陰致陽之圖

七十一難刺營刺衛無傷之圖

七十二難經脉迎隨之圖

七十三難刺井瀉榮之圖

七十四難因時而刺之圖

七十五難補水瀉火之圖

七十六難陰陽補瀉之圖

七十七難上工中工治病之圖

七十八難先左後右鍼法之圖

七十九難迎隨補瀉舉心爲例之圖

八十難出內鍼法之圖

八十一難中工補瀉失宜之圖

難經正義卷之一

諸書

春秋齊勃海扁鵲秦越

明會稽庠生玄臺馬

華亭文元明臺陳壽

雲間醫官啓雲王一鵬批評

門人儒醫春塘張通校正

一難曰十二經中皆有動脈獨取寸口以決五藏六府死

生吉凶之法何謂也然寸口者脈之大會手太陰之脈動

也難去聲王啓雲云藏府臟腑古今典籍從月者多餘篇例此

此一節言取寸口以決死生者以寸口爲手太陰肺經

之動脉。乃脉之大會也。十二經者。手足各有三陰三陽。

也。手足三陽。手經自手走頭。而足經自頭走足。手足三

陰。足經自足走腹。而手經自腹走手。靈樞逆順肥瘦篇。岐伯曰。手之三陰

從藏走手。手之三陽。從手走頭。足之三陽。從頭走足。足之三陰。從足走腹。詳後考證。靈樞經脉篇。經者。

徑也。常也。自各經直行脉隧而言。故曰徑。皆有恒而不

息。故曰常。張世賢以徑言。滑伯仁以常言。熊宗立則無

二義以言之者是也。十二經中皆有動脉。如手太陰肺

經太淵。中府雲門俠白亦有動脉。手陽明大腸經陽谿。五里亦有動脉。足陽

明胃經衝陽。地倉大迎下關入迎氣衝亦有動脉。足太陰脾經衝門。箕門亦有動脉。

手少陰心經極泉。陰郄亦有動脉。手太陽小腸經天窗。足太

陽膀胱經委中

崑崙亦有動脉

足少陰腎經太谿手厥陰心包

絡經勞宮手少陽三焦經和髎足少陽膽經懸鍾亦有

動脉足厥陰肝經太衝之類是也

行間五里陰寸口者即

手太陰肺經太淵穴

義見二難

決斷也

五藏者心肝脾肺腎

也六府者胃膽三焦膀胱大腸小腸也

素問金匱真言論岐伯曰肝心

脾肺腎五藏皆為陰膽胃大腸小腸膀胱三焦六府皆為陽靈樞本藏篇岐伯曰五藏者所以藏精神血氣魂

魄者也六府者所以化水穀而行津液者也衛氣篇同

法診法也

說文云診視驗也診法二

自診脉言者如脉要精微論之謂有自診病言者如經脉別論之謂與四十八難診之虛實同陰陽應象大論

有善診者察色按脉則診之為義所該者廣此篇專主脉言

言十二經中皆有動脉

則皆可以為診也獨取手太陰之寸口以決五藏六府

之死與凶。生與吉者。何也。然十二經中。固各有動脉。惟人之寸口者。為諸脉之所始所終。誠脉之大會也。蓋人之藏府。氣血筋脉骨髓。皆有所會。名曰八會。見四十而五難脉之大會。在于太淵。乃手太陰之脉。於斯而動焉。則診之也宜矣。

經氣證

本節出自素問經脉別論氣口成寸以決死生

岐伯曰。食

氣入胃。散精於肝。淫氣於筋。

穀氣入於胃。胃散穀精於筋。入於肝。則浸淫滋養於筋。

矣。何者。肝主筋故。

食氣入胃。濁氣歸心。淫精於脉。

濁氣。穀氣也。居胃上。故

穀氣歸心。則淫溢精微入于脉矣。何者。心主脉故。

脉氣流經。經氣歸於肺。肺朝

百脉。輸精於皮毛。

心為諸經之君主。主血脉。脉氣流於各經。各經之氣歸於肺。肺為五藏之

華蓋。所謂藏真高於肺。以行營衛陰陽故。受百脉之朝會也。由是精氣漸運之於皮毛矣。何者。肺主皮毛故也。

按未丹裕
將此入字
改爲食字
蓋不考上
五股後論
食氣而未
而此見止言
飲也

上文后肝主筋。心主血脉。而此言肺主皮毛。獨不言毛。
脾之肉。腎之骨。以上文止言肝心脾而未言脾腎耳。毛。
脉合精。行氣於府。上毛脉合精。即心肺協其精也。心肺居
處也。是乃上氣海之所在。府。精神明。留於四藏。氣歸於
名曰。臆中。係兩乳間也。府。精神明。留於四藏。氣歸於
權衡。權衡以平。氣口成寸。以決死生。臆中之布氣者。分
於氣街。上者走於息道。宗氣留於海。積於胃中。名曰氣
海。故肺主氣。爲諸藏之華蓋。臆中爲府。其精氣最爲神
明。而心肝脾腎四藏。凡各有情氣。皆其所留者也。此氣
也。五藏均平。三焦得所。陰陽不偏。表裏如一。誠歸於權
衡之平一者矣。惟權衡之得其平也。故氣口者。即太淵
也。而氣口又成寸口之名。脉之大會。在於寸口。故死生
可決焉。飲入於胃。遊溢精氣。上輸於脾。脾氣散精。上歸
於肺。通調水道。下輸膀胱。水精四布。五經並行。合於四
時五藏。陰陽揆度。以爲常也。上文言食入於胃。其精微
之氣。散於肝心脾者。有以

經義
經義
經義
經義
經義

成寸口而決氣生矣。而此以下則言飲入於胃者其精
氣上輸於脾歸於肺。而肺下則輸於膀胱也。由是水精四
布。五經並行。而陰行。陽可揆度之以為常焉。
別論篇黃帝曰。氣口何以獨為五藏主。岐伯曰。胃者水
穀之海。六府之大源也。五味入口。藏於胃。以養五藏氣。
氣口亦太陰也。是以五藏六府之氣味。皆出於胃。變見
於氣口。按氣口寸口也。亦謂之脉口。以寸口可候氣之
盛衰。故云氣口。又可以切脉之動靜。故云脉口。
又皆同取於手魚際之後。同身寸之一寸。故又云寸口。
帝言人之氣口。可以候氣之盛衰。脉之動靜。是何以獨
為五藏主。而可以為準者。有如此也。岐伯曰。脉雖見於
氣口。而實本之於脾胃也。胃者足陽明也。脾者足太陰
也。足陽明為六府之先。足太陰為五藏之本。胃主納受
凡水穀。以是為市。為六府之大源。五味入口。藏於胃。而
得脾以為之運化。致五藏之氣。無不藉之以資養。則是
脾者足太陰也。其氣本相為流通。而氣

口亦手太陰耳。是以五藏六府之氣味皆出於胃。受見於氣口也。蓋穀入于胃。氣傳於肺。而肺氣行於氣口。故云。受見於氣口也。凡診脈者。必診氣口之脈。而五藏六府之死生吉凶。從可決矣。玉機真藏論云。五藏者皆稟氣於胃。胃者五藏之本也。藏氣者不能自致於手太陰。必因於胃氣。乃至於手太陰也。蓋言胃而脾可知矣。其與此意正相合歟。

靈樞

十二經皆有動脈。惟手太陰足少陰足陽明動之不休。

靈樞

動輸

音麻。篇中。

篇黃帝曰。經脈十二。而手太陰足少陰

陽明獨動不休。何也。岐伯曰。是明胃脈也。胃為五藏六

府之海。其清氣

宗

上注於肺。肺氣從太陰而行之。其行

也以息往來。故人一呼脈再動。一吸脈亦再動。呼吸不

已。故動而不止。

已上言手太陰動之不休。

黃帝曰。足之陽明何因而

動。岐伯曰。胃氣上注于肺。其悍氣

衛

上衝頭者。循咽上

走空竅循眼系

睛明穴目張則行足太陽始

入絡腦

出顙

苦感切下客

主人

又名上關足少陽經之會牙車

即頰車足陽明穴

合陽明弁

下人迎

足陽明穴

此胃氣別走於陽明者也故陰陽上下其

動也若一

已上言足陽明動之不休

黃帝曰足少陰何因而動岐伯

曰衝脉者十二經之海也與少陰之大絡起於腎下出

於氣衝

足陽明穴循陰股內廉邪

斜入臍中循脛骨內廉金

少陰之經下入內踝

胡瓦反

之後入足下泉其別者邪入

踝出屬跗

音夫足面

上入大指之間注諸絡以溫足脛此脉

之常動者也

已上言足少陰動之不休

人一呼脉行三寸一吸脉行三寸呼吸定息脉行六寸人

一日一夜凡一萬三千五百息。脉行五十度。周於身。漏水下百刻。榮衛行陽二十五度。行陰亦二十五度。爲一周也。故五十度復會於手太陰。寸口者。五藏六府之所始終。故取法於寸口也。此節據靈樞五十營篇大意。當於漏水下百刻。截榮衛的作營。靈樞明有營氣篇古字多有假借。如素問生氣通天論。有榮爲高粱。草滋爲草蒸。腹中論。離屎爲離矢之類。衛字是衍文。靈樞營衛生會篇原無此字。見後考證之下。

此一節承上文而明寸口爲脉之大會。所以診脉者。必取法於此也。鼻中出氣曰呼。入氣曰吸。一呼一吸謂之一息。呼者。陽氣之出也。心肺司之。吸者。陰氣之入也。腎肝司之。而脾居中州。則寓於呼吸之中。人身脉度。手足

三陽三陰兩蹻督任共計一十六丈二尺自有所行之

經隧陽蹻為陽陰蹻為陰督脉為陽任脉為陰與別奇經不同故亦有脉度合十二經以運行詳見靈樞

脉度篇及二十三難經經者脉路也素問調經論岐伯曰五藏之道皆出於經隧註云經潛道也自大

飲食入胃其精微之氣積於膏中者即膈中又謂之宗氣素問平人氣象論靈樞邪客篇刺節真邪篇皆同

氣氣王水去宗傳也主也謂十二經脉之氣主也謂之宗

氣篇謂之宗氣會於上焦管衛生會篇言上焦出於胃

篇言大氣積於膏中命曰氣海刺節真邪篇言氣積於膏中以通營衛各行其道宗氣流於海邪客篇言宗氣

積於即八會之氣會於膻中也惟此宗氣者主呼吸而

行脉道一呼脉行三寸一吸脉行三寸呼吸總為一息

則脉行六寸張仲景傷寒論云呼吸者脉之由一息六

寸推之。凡八一日一夜通計一萬三千五百息。則脉行

八百一十丈。乃五十次周於身。蓋以脉氣之行。其始從

中焦出中焦注手太陰神陽明注足陽明胃太

陰脾注手少陰心太陽小腸注足太陽膀胱少陰

腎少陰注手心主絕少陽注足少陽膽厥陰肝

厥陰復注手太陰。其兩躋督任之脉。已寓於十二經之

中。乃經脉自然運行之道也。漏水下一刻。計一百三十

五息。脉行八丈一尺二刻。計二百七十息。脉行一十六

丈二尺爲一周身。一刻一百三十五息。二刻二百七十

推之。一刻八丈一尺。二刻一十六丈二尺者。自百刻八百一十丈而減推之。積而推之。漏水

下二十刻計二千七百息。脉行一百六十二丈爲十度周於身。漏水下四十刻計五千四百息。脉行三百三十四丈爲二十度周於身。漏水下六十刻計八千一百息。脉行四百八十六丈爲三十度周於身。漏水下八十刻計一萬八百息。脉行六百四十八丈爲四十度周於身。漏水下一百刻計一萬三千五百息。脉行八百一十丈爲五十度周於身。方其二刻爲一周身。而至此百刻則爲五十度周於身者。乃合一晝一夜而無言之也。按靈樞經者。循環不已。晝夜共行五十度。則每經各行五十次矣。並未嘗言手太陰行於寅時。手少陰行於午時。手太陽行於辰時。足太陰行於巳時。手少陰行於午時。手太陽

行於未時。足太陽行於申時。足少陰行於酉時。手厥陰
行於戌時。手少陽行於亥時。足少陽行於子時。足厥陰
行於丑時。至後世子午流注鍼灸等書始有為此說者。
張世賢熊宗立遂乃分時註釋。如果十二經分配十二
時。則一時止行得一經。何以能八刻之一千八十息。脉
行六十四丈八尺。而四度周於身也。又何以能十二時
之一萬三千五百息。脉行八百一十丈。而五十度周於
身也。況每經體有長短。穴有多寡。假如手少陰心止有
九穴。左右計一十八穴。不過自手小指至肘上臑內而
已。今曰行於午時。其一時當得一千一百二十五息。脉
行六十七丈五尺。較之足太陽膀胱經有六十三穴。左
右共計一百二十六穴。直自目之內眥上行於頭。轉至
項後。行背四行。下行委中。以至足之小指外側。其穴道
身體盡一身之長。今曰行於申時。則一時之中。亦止得
息數一千一百二十五息。脉數止得六十七丈五尺。乎
其餘各經長短不同。又皆息脉數俱於一時之中。而
盡合乎所謂一時止行一經者。實理勢之所必無也。彼
或以二十三難始從中焦始字。遂指寅為臍。便以卯為
大腸。而直輪至丑為肝經。殊不知紀漏者。始寅初
一刻。而經脉運行之始。始於肺經。謂之始於寅初一刻。

則可若泥定肺經止行於寅時則非也故自二刻一周
身之後又從中焦而起一日一夜有五十次起於中焦
合晝夜而皆然不但寅時而已何可以始於一刻而遂
指肺之必行於寅時也至有以餘時配各經者蓋經之
絡矣李東垣此事難知集亦以各經分配各時蓋相
於後世醫籍而未究經典之義耳至有分折謂則者李
晦庵則畧言之而未得其詳清伯仁雖詳言之而未領
其要乃以十二時分九十六刻為四十八周身另四刻
為二周身則此四刻者豈十二時之外更有別時也則
數息數脈數雖明而時則未合矣余今所推之法一本
於靈樞五十營之其所謂營氣者乃陰精之氣也素問
意高明者其正識也其所謂營氣者乃陰精之氣也
岐伯曰營者水穀之精氣也即宗氣之所統猶太極之
靈樞衛氣篇名之曰精氣即宗氣之所統猶太極之
分而為陰也由中焦之氣陽中有陰者隨上焦之氣以
降於下焦而生此陰氣故謂之清者為營又謂之營氣
出於中焦者是也然陰性精專必隨宗氣以同運於經

隧之中。是以有營氣之名。營之為言運也。

靈樞營氣篇黃帝曰。精車

者。行於經隧。衛氣篇黃帝曰。其精氣之行於經者。為營氣。營衛生會篇岐伯曰。故獨得行於經隧。命曰營氣。

其所謂衛氣者。乃陽精之氣也。

素問痺論岐伯曰。衛者水穀之悍氣也。靈樞營

衛生會篇岐伯曰。營衛者。精氣也。

亦宗氣之所統。

素問調經論岐伯曰。陽受氣於上焦。以溫

皮膚分

肉之間。猶太極之分而為陽也。由下焦之氣。陰中有陽

者。隨中焦之氣。以升於上焦。而生此陽氣。故謂之濁者。

為衛。又謂之衛氣。出於下焦者是也。然陽性慄。慄者不

從。宗氣而行。而行各經分肉之間。是以有衛氣之名。衛

之為言護也。

素問生氣通天論黃帝曰。陽氣者。若天與日。失其所。則折壽而不彰。故天運當以日

光明。是故陽因而上。衛外者也。素問痺論岐伯曰。衛者水穀之悍氣也。其氣慄疾滑利。不能入於脉也。故循皮膚

膚之中。分肉之間。靈樞經者為衛氣。靈樞經邪客篇。伯高曰。帝曰。其浮氣之不循經者為衛氣。靈樞經邪客篇。伯高曰。衛氣者。出其悍氣之悍疾。而先行於四末。分肉皮膚之間。而不休者也。靈樞本藏篇。黃帝問於岐伯曰。衛氣者。所以溫分肉。充皮膚。肥腠理。司開闔者也。是營氣之行於晝者二十五度。行於夜者二十五度。而行晝行夜。固為五十度。周於身。始於手太陰。而復會於手太陰。所謂太陰主內者。此也。觀於手太陰。而復會於手太陰。所謂太陰主內者。此也。觀於足太陰。而復會於足太陰。所謂太陰主外者。此也。靈樞經。衛氣行篇。平旦陰盡。陽氣出於目。目張。則白足也。太陽手太陽。足少陽。手少陽。足陽明。手陽明。晝行於陽。二十五度。陽盡於陰。陰受氣矣。從足少陰。注於腎。腎注於心。心注於肺。肺注於肝。肝注於脾。脾復注於腎。為

正考證

本節人一呼吸脈行三寸。一吸
脈行三寸。呼吸定息脈行六

寸人一日一夜凡一萬三千五百息脉行五十度周於
身漏水下百刻數語出自靈樞五十營篇但本篇不言
宗氣積于膏中出喉嚨行呼吸之意必合下文靈樞五

十營篇營者運也非營氣之營觀此命篇之意則彼岐
伯曰天周二十八宿

天周二十八宿而一面四星四七二十八星房昴為
緯虛張為經是故房至畢為陽昴至心為陰陽主晝陰

主宿三十六分每一宿分為三十六分十宿得三百六
十分二百四十分六分得四

十八宿人周行一晝一夜為一周亦合此一人經脉上
下流行左右前後二十八脉

十二經兩躡左右相同共
八脉

周身十六丈二尺見靈樞以應二十八宿漏水下

八脉

周身十六丈二尺見靈樞以應二十八宿漏水下

八脉

百刻以分晝夜。故人一呼脉再動。氣行三寸。一吸脉亦

再動。氣行三寸。呼吸定息。氣行六寸。十息。氣行六尺。日

行二分。按此云二分。則百息當行二十分。千息當行二

七百。分原數止得一千八百。今多得一千六百九十二

分。想靈樞向無明註。遂致誤傳。未正。今考其數。當云日

行七釐半。則一萬三千五百二百七十息。氣行十六丈

二尺。氣行交通於中。一周於身。下水二刻。日行二十五

分。一百三十五息。脈行八丈一尺。下水一刺。日行十分

一周。于身下水二刻。日行二十分。一釐二毫。其二百五

分。誤寫一釐二毫。為五分。若據此數。則下文五百四十

息。水下四刻。當云五十分。不應曰四十分。且據二十五

分而推之。則一萬三千五百息。水下百刻。當得一千二

百五十分。比原數多五百四十息。氣行再周於身。下水

得二百四十二分矣。

四刻日行四十分據正數當云日行四十分二釐二毫

者何彼多而此少也其訛顯然矣二千七百息氣行十周於身下水二

十刻日行五宿二十分此當云日行五宿二十一分六釐

氣行二十周於身下水四十刻日行十一宿七分二釐

又當云八千一百息氣行三十周於身下水六十刻日

行十六宿二十八分八釐又當云一萬八百息氣行四

十周於身下水八十刻日行二十二宿一十四分四釐

一萬三千五百息氣行五十營於身下水百刻日行二

十八宿此謂日行二十二宿一十四分四釐至此百刻

漏皆盡脉終矣二尺之脈至此五十營於身共行八百

一十六夫其所謂交通者并行一數也所謂氣行交通於

脉終矣所謂交通者并行一數也中者能使陰陽二

氣交通於一處也惟至人能之按素問方盛衰論黃帝

曰至陰虛天氣絕至陽盛地氣不足陰陽並至至人之

所行陽氣先至。故五十營。脩得盡天地之壽矣。故五十度

至陰氣後至。行並無阻滯虧欠。晝夜如是。至老無間。天地所賦之壽。吾得而盡矣。按靈樞五味篇。伯

高曰。穀始入于胃。其精微者。先出于胃之兩焦。中下以

溉五藏。別出兩行。抗營衛之道。其大氣宗之搏而不行

者。積於育中。上命曰氣海。膻中出于肺。循喉咽。故呼則出。

吸則入。天地之精氣。其大數常出三入一。故穀不入半

日則氣衰。一日則氣少矣。靈樞邪客篇。伯高曰。五穀

入于胃也。其糟粕下津液焦中宗氣焦上分爲三隧。故宗氣

積於育中。出于喉嚨。以貫心脉。而行呼吸焉。承上文而

一隧。營氣者。泌音必使流也。其津液注之于脉。化以爲血。言營

血非指血以榮四末內注五藏六府以應刻數焉言從宗氣

而行於經隧之間晝夜共行五十度而應百刻之數焉此亦承上文而言中焦分爲一隧衛氣者出

其悍氣之慄疾而先行于四末分肉皮膚之間而不休

者也晝日行於陽夜行於陰常從足少陰之分此言足

指夜行也自腎注心注肺注肝注脾間行於五藏六府

此亦承上文而言衛氣靈樞刺節真邪篇岐伯曰用

針之類在於調氣氣宗氣積於胃胃之上口以通營衛各

行其道宗氣流於海氣海即臍中其下者走於氣街即氣衝

營衛營衛其上者走於息道出喉嚨司呼吸以行經隧正考證十二

兩蹠督任共計一十六丈二尺之度靈樞脉度篇黃帝曰願聞脉度岐伯

答曰。手之六陽。左右手共六陽從手至頭。長五尺。五六三丈。手

之六陰。左右手共六陰從手至臂中。三尺五寸。三六一丈八尺

五六三尺。合二丈一尺。足之六陽。左右足共六陽從足上至頭

八尺。六八四丈八尺。足之六陰。左右足共六陰從足至臂中。六

尺五寸。六六三丈六尺。五六三丈。合三丈九尺。躋脉陽

陰躋。男子數其陽。女子數其陰。從足至目。七尺五寸。二七一丈四尺。二

五一尺。合一丈五尺。督脉任脉各四尺五寸。二四八尺

二五一尺。合九尺。凡都合一十六丈二尺。此氣之大經

隧也。

正考證

經脉運行。自手太陰而始。至足厥陰而終。而又自手太陰而始者。一日一

夜行前。一十六丈二尺之脉度。共五十次。靈樞經脉篇。積計一萬三千五百息。脉行八百一十丈。

黃帝曰經脉者所以能決死生處百病調虛實不可不

通肺手太陰之脉起於中焦下絡大腸還循胃口上膈

屬肺起發也絡繞也還復也循巡也又依沿也屬會也

也胃上口在臍上五寸上腕穴下口在臍上二寸下腕

穴之分也膈隔也凡人心下有膈膜與春脇周回相著

所以連膈通氣不使上薰心肺也手太陰經脉起中焦受足

厥陰之交也由是循任脉之外足少陰經脉起中焦受足

下行到臍上一寸水分穴之分繞絡大腸手太陰陽明

相為表裏也乃復行本經之外上循胃口逆還而屬會

歸於本藏也從肺系橫出腋下循臍內行少陰心主

肺氣
脈反

之前下肘中

肺系謂喉嚨也喉以候氣下接於肺肩下

也肺盡皮為肘

上際曰腋將下對腋處為臍肩肘之間

臂部第四行之中府雲門以出腋下循臍內歷天府

使白行手少陰心主之前入肘中循尺澤穴也蓋手

少陰循臍臂出手小指之端寸心寸循臍臂出中指之

端手太陰則行。循臂內上骨下廉入寸口上魚。句循魚

際出大指之端。

肘以下為臂。應陽也。邊也。手掌後高骨旁動脈為關。關前動脈為寸口。曰魚口。

魚際云者。謂掌骨之前。大指本節之後。其肥肉隆起處。

統謂之魚。魚際則其間之穴名也。既下肘中。乃循臂內。

上骨之下。應歷孔最列缺。入寸口之經渠太淵以上其。

魚。循魚際出大指之端。至少商穴而終也。端抄也。其

支者。從腕後直出次指內廉出其端。臂骨盡處為腕。大

者為絡。本經終於出大指之端矣。此則從腕後。列缺穴。連次指內廉出其端。而交於手陽明也。大腸。

手陽明之脈起於大指次指之端。循指上廉出合谷兩

骨之間。上入兩筋之中。

大指之次指。謂食指也。手陽明大腸經也。凡經脈之道。陰脈行

手足之裏。陽脈行手足之表。此經起於大指次指之端。

商陽穴。受手太陰之交。行於陽之分也。由是循指之上。

廉歷三間以出合谷兩骨之間。循臂上廉入肘外廉。上循臑

之間。上入陽谿兩筋之中。循臂上廉入肘外廉。上循臑

外前廉上肩。自陽谿而上循臂上廉之偏歷溫溜下廉

歷肘膠五里臂臑絡臑。出髁牛口骨之前廉上出柱骨

之會上。肩之端兩骨間為髁骨有脾上際會處為天柱

於大下入缺盆絡肺下膈屬大腸。循足陽明經脈外絡

之。肺藏後下膈當天樞其支別者從缺盆上頸貫頰入

下齒縫中。頭莖為頰耳以下曲處為頰口前小者為齒

貫於頰入還出挾口交人中左之右右之左上挾鼻孔

唇口上。下為人中既入齒縫復出交兩口吻相交於

中之分左脈之右右脈之左上挾鼻孔循禾膠迎香而

之脈下循鼻外上入齒中還出挾口環唇下交承漿

莖也。鼻山根為額。足陽明起於鼻兩旁迎香穴。却是而
上。左右相交於頰中。過睛明之分。下循鼻外。歷承泣。上
白巨。入上齒中。復出循地倉。挾口兩。卻循額後下。庶
吻環繞唇下。左右相交於承漿之分也。卻循額後下。庶
出大迎。循頰車。上耳前。過客主人。循髮際至額顙。顙下
額中為顙。顙前為髮際。髮際前為額顙。自承漿卻循頰
後下。庶出大迎。循頰車。上耳前。歷下關。過客主人。循髮
際。行懸壺。額厭之分。經頤維。會於額顙之神庭。其支別者。從大迎前下人迎。循
喉嚨入缺盆。下膈。屬胃絡脾。骨為巨骨。巨骨上陷中為
缺盆。其支別者。從大迎前下人迎。循頰車。入氣衝。
入缺盆。行足少陰俞府之外。下膈。當上皖中皖之分。屬
胃絡脾。其直行者。從缺盆下乳內廉。挾臍入氣衝中。直行
缺盆而下。下乳內廉。循氣戶。庫房。屋翳。膏窓。乳中。乳根。
不容。承滿。梁門。關門。太乙。滑肉門。下挾臍。歷天樞。外陵。
大巨。水道。歸來諸穴。而入氣衝中也。其支者。起胃下口。循腹裏下至氣衝。

而合也。胃下口。下腕之分。難經云。太倉下口。為胃門者是也。自屬胃處起。胃下口。循腹裏。過足少陰。肩膈之

中。與前之入氣衝者合。以下髀關。抵伏菟。下入膝臑中。

下循胫外廉。下足跗。入中指外間。抵至也。股內為髀關。前膝上起肉處為伏

菟。伏兔後為髀關。伏膝筋中為臑。胫骨為解。跗是面也。既相合。氣衝中。乃下髀關。抵伏菟。歷陰市。梁丘。下入膝

臑中。經續鼻下。循胫外廉。入中指外間。此支自膝下三寸。循三里穴之

而別。以下入中指外間。此支自膝下三寸。循三里穴之

內廉。循胫外廉。而合也。其支者。別跗上。入大指間。出其端。

此支自膝上。循陽穴。別行入大指間。斜出足厥陰。脾足

太陰之脉。起於大指之端。循指內側白肉際。過覈骨後。

上內踝前廉。覈骨一作核。骨俗云。孤拐骨是也。足後後

足太陰起大指之端。隱

白穴受足陽明之交也。由是循大指內側白肉際大者

穴。過核骨後。歷太白。公孫。商丘。上內踝前。肱之三陰交

也。上腓。示充。內循胫骨後。交出厥陰之前。三陰交上腓

內循胫骨後之漏谷。上行二寸。交上循膝股內前廉入

腹。屬脾絡胃。內前廉之血海。箕門。逆還入腹。經衝門。府

期門之分。循本經之裏。下至中脘之際。以屬脾絡胃也

上膈。挾咽。連舌本。散舌下。長一尺六寸。為胃系也。舌本

舌根也。由腹哀上膈。循食竇天谿。育脊。脊周榮。由周榮外

曲折向下。至大包。又自大包外。曲折向上。會中府。上行

人迎之裏。挾喉。連其支別者。復從胃別上膈。注心中。此

由腹哀別行。再從胃部中脘穴之外。上膈。心。手少陰

之脉。起於心中。出屬心系。下膈。絡小腸。心。系有二。一則

入肺兩大葉間。一則由肺葉而下。曲折向後。並脊裏細絡。貫脊髓。與腎相通。正當七節間。蓋五藏系皆通於心。而心通五藏系也。手少陰經起於心。循任脉之外。屬心系。下膈。當臍上二寸之分。絡小腸。其支者。從心系上挾咽系目。支者從心系出任脉之外。上行而挾咽系目也。其直者。復從心系。却上肺。出腋下。直者復從心系直上至肺藏之腋。下筋間。下循臍內。後廉行太陰心主之後。下肘內。動肝入臂。下循臍內。後廉行太陰心主之後。下肘內。自極泉下循臍內。後廉行太陰心主之後。下肘內。循臂內。後廉抵掌後。兌骨之端。入掌內。廉循小指之內。出其端。腕下兌骨。自少海而下。循臂內。後廉歷靈道通里。至掌後兌骨之端。終陰經。神門入掌內。廉至小指端之少衝而終。以交於手太陽也。滑氏曰。心為君主。六官示尊於他藏。故其交接受。不假支別云。△小腸。手太陽之脉。起於小指之端。循手外側。上腕。出踝中。臂骨

盡處為腕。腕下兌骨為踝。太陽經起小指端少澤穴。由是循手外側之前谷後谿上腕出踝中。歷腕骨陽谷養也。直上循臂骨下廉出肘內側兩骨之間上循臑外

後廉出肩解繞肩胛交肩上

脊兩傍為臂臂上兩角為肩解肩解下成片骨為肩

胛自養老穴直上循臂骨下廉支正穴出肘內側兩骨之間歷少海穴上循臑外廉行手陽明少陽之外上肩

循肩貞臑俞天宗秉風曲垣肩外俞肩中俞入缺盆絡諸穴乃上會大椎因左右相交於兩肩之上入缺盆絡

心循咽下膈抵胃屬小腸自交肩上入缺盆循肩向腋下行當臑中之分終心循胃

系下膈過上臑抵胃下行任脉其支者從缺盆貫頸上

之外當臑上二寸之分屬小腸其支者從缺盆貫頸上

頰至目銳眥却入耳中目外角為銳眥又者別從缺盆循頸之天窓天窓上頰抵顙膠

上至目銳眥過童子膠却入耳中循聽宮而終也其支別者別循頰上頰抵

鼻至目內眥

目下為頰目角為內眥其支者別循頰上頰抵鼻至目內眥睛明穴以交於足太陽

也。○膀胱足太陽之脉起於目內眥上額交巔上角。目為

內眥髮際前為額上為巔巔頂也。足太陽之脉起目

內眥睛明穴上額循橫竹過神庭歷曲差五處承光通

天自通天氣行左右其支別者從巔至耳上角從巔至

交於頂上百會也。其直行者從巔入絡腦還

百會抵耳上角過率谷浮白其直行者從巔入絡腦還

竅陰穴所以散養於經脉也。其直行者由通天穴循

出別下項循絡却玉枕入絡腦復出下項出天柱也。循

肩膊內挾脊抵腰中入循膂絡腎屬膀胱。肩後之下為

之。肩膊內挾脊抵腰中入循膂絡腎屬膀胱。肩後之下為

却循肩膊內挾脊兩旁下行歷大杼風門肺俞厥陰俞

心俞膈俞肝俞膽俞脾俞胃俞三焦俞腎俞大腸俞小

腸俞膀胱俞中膂內俞白環俞由是抵腰中入循膂絡

腎下屬其支別者從腰中下貫膂入膂中。腎尻也挾腰

機後為膂。膂陽上膝後曲處為膂其支別者從腰中

循腰踝下挾脊歷上髀次髀中髀下髀會陽下貫膂至

反支

充膺

承扶殷門浮郄委陽其支別者從臍內左右別下貫臍

挾脊內過髀樞脊內曰臍挾脊肉也其支別者為挾脊

杜而下從臍內左右別行下貫臍脊臍附分臍戶膏肓

神堂譙譙關關門陽綱意舍胃倉胃門志室胞育秩

外為髀捷骨之下為髀樞循髀外後廉下合臍中以下

貫臍內出外髀之後循京骨至小指外側端肱解後廉

解樞之裏承扶之外一寸五分之間而下與前之入臍

附陽出外踝後之京崙僕參申脉金門循京骨束

足少陰之脉起於小指之下斜趨足心起小指之下斜

之湧泉出然谷之下循內踝之後別入跟中上臍內出

臍內廉跟足根也由湧泉轉出足內踝然谷穴下循內

惟正三卷之三

大鐘之外下循內踝行厥陰太陰之後經復滯交上股

信過三陰交上臨內循禁道出臍內肱抵陰谷也

內後廉貫脊屬腎絡膀胱由陰谷上股內後廉貫脊會

橫骨大赫氣穴四滿中注育俞當育俞之所臍其直行

之左右屬腎下臍過關元中極而絡膀胱也

者從腎上貫肝膈入肺中循喉嚨扶舌本

行循商曲石關陰都通谷諸穴貫肝上循幽門上膈歷

步廊入肺中循神封靈墟神藏或中俞府而上循喉嚨

並人迎挾舌其支者從肺出絡心注胃中

本而終也別出絡心注胃之體心主手厥陰之脉起於胃中

以交於手厥陰也屬心包由是下膈歷絡於

屬心包下膈歷絡三焦手厥陰受足少陰之交起於胃

三焦之上腕中腕及臍其支者循胃出臍下腋三寸上

下一寸下焦之分也抵腋下下循臍內行太陰少陰之間入肘中

腋上際為

包上循育出脇下腋三寸天池穴上行抵腋下下循臑
內之天泉穴以介乎太陰少陰兩經之中間入肘中之
曲澤下循行兩筋之間入掌中循中指指出其端出肘中
也。
臂兩筋之間循郄門間使內開大陵入其支別者從掌
掌中勞宮穴循中指指出其端之中衝云。
中循小指次指出其端小指次指無名指也自小指而
逆數之則為次指出云其支別者
自掌中勞宮穴別行循小指次
指出其端而交於手少陽也。
△三焦手少陽之脉起

於小指次指之端上出次指之間循手表腕出臂外兩

骨之間上貫肘臂骨盡處為臑臑盡處為肘手少陽起

歷液門中渚循手表腕之陽池出臂外兩骨之間循

外關支溝會宗三陽四瀆乃上貫肘抵天井穴也循

臑外上肩交出足少陽之後入缺盆交臄中散絡心包

下膈循屬三焦肩肘之間臑下對腋處為臑從天井上

行循臂臑之外歷清冷淵消澤行太陽

之氣。陽明之外。上有循臂。臑會。肩髃。天髃。交出。是少陽
 之後。過秉風。肩井。下入缺盆。復由足陽明之外。而交會
 於臚中。散布絡統於心包。乃下膈。當胃上口。以其支者
 屬上焦。於中脘。以屬中焦。於陰交。以屬下焦也。其支者
 從臚中。上出缺盆。上項。繫耳後。直上出耳上角。以屈下
 頰。至顙。腦戶後為項。目下為顙。其支者。從臚中。而上出
 疾。眦。顙。是直上出耳上角。至角孫。過懸。釐。額。厭。其支者
 及過。目。自臚明。屈曲耳頰。至顙。會。顙。之。分。也。其支者
 從耳後入耳中。至目銳眦。此支從耳後。醫風穴入耳中。
 目銳眦。皆。瞳子。眦。筋。絡。也。臚。足。少陽之脉。起於目銳眦。
 竹空。歸。方。足。少陽也。臚。足。少陽之脉。起於目銳眦。是
 上。抵。角。下。耳。後。聽會。客主人。上。抵。頭。角。循。額。厭。下。懸。顙。
 懸。顙。山。巖。外。循。耳。上。髮。際。至。曲。髻。率。谷。出。率。谷。外。折。
 下。耳。後。循。入。衝。浮。白。竅。陰。完。骨。又。自。完。骨。外。折。循。本。神。
 過。曲。差。下。至。陽。白。會。睛。明。復。從。睛。明。上。循。頸。行。手。少陽。
 行。循。臨。過。目。窓。正。營。承。靈。腦。空。風。池。云。循。頸。行。手。少陽。

之前至肩。上却交出手。少陽之後入缺盆。自風池循頸過天牖穴行

手少陽之脉前下至肩。上循肩井。却左右交出。手少陽之後過大椎大杼。東風當乘風前入缺盆之外。其

支者從耳後入耳中。走耳前至目銳眦後。此一節即手

其支者從耳後顯額間過翳風之分入耳中。過聽官。出走耳前。後自聽官至目銳眦。瞳子髎之分也。其

支者別目銳眦下大迎。合手少陽抵於頰。下加頰車下

頸。合缺盆以下腋中。貫臑絡臑屬臑。其支者別自目外

合手少陽於頰。當顙髎之分。下臨頰車。下循循本經之前與前之入缺盆者相合。下腋中。天池之外。貫臑。即期

門之所絡。肝下至目。循脇裏出氣衝。繞毛際。橫入髀厭

月之公。屬於膽也。中。脇。肱也。腋。下為脇。曲骨之分為毛際。毛際兩旁動脈

中為氣衝。捷骨之下為髀厭。即髀髁也。自屬膽處。循

脇內。章門之裏。出氣衝。連毛際。其直者從缺盆下腋。循

遂橫入髀厭中之穴。環跳也。

育過季脇下合髀厭中以下循髀外出膝外廉脇骨之

脇此直者從缺盆直下腋循脊歷淵液輒筋日月穴過

季脇循京門帶脉五樞維道居膠入上膠中膠長強而

下與前之入髀厭者相合乃下循髀外行太陽陽明之間歷中道陽關出膝外廉抵陽陵泉也下外輔

骨之前直下抵絕骨之端下出外踝之前循足跗上入

小指次指之間跗自陽陵泉下外輔骨前歷陽交外丘

光明直下抵絕骨之端循陽輔懸鍾而下出外踝之前

至丘墟循足面之臨泣五會俠谿乃上入小指次指之

間至竅陰其支者別跗上入大指之間循大指岐骨內

而終也出其端還貫入爪甲出三毛足大指本節後為岐骨大

者自足跗上臨泣穴別行入大指循岐骨內出肝足

大指端還貫入爪甲出三毛交於足厥陰也厥陰之脉起於大指聚毛之際上循足跗上廉去內踝

一寸。足大指甲後為三毛。三毛後廣紋為裘毛。去相去也。足厥陰起於大指聚毛之大敦穴。循足指上。

歷行間太衝抵內踝一寸之中封也。上踝八寸交出太陰之後上臑內煮

自中封上踝過三陰交。暨蠡溝中。都復上一循股入陰

寸交出太陰之後上臑內煮。循股入陰

中環陰器抵小腹挾胃屬肝絡膽。由曲泉上行循股

內之陰包五里陰廉遂當衝門府舍之分。入陰毛中左

右相交環繞陰器抵小腹而上會曲骨中極關元後循

章門至期門之所挾胃屬上貫膈布脇肋循喉嚨之後

肝下日月之分絡於臍也。上貫膈布脇肋循喉嚨之後

上入頰頰連目系上出額與督脉會於顛。目內深處為

也。自期門上貫膈行食竇之外大包之裏散布脇肋上

雲門淵液之間入迎之外循脈能之後上入頰頰行大

迎地倉四白陽白之外連目系上出額行其支者從目

臨泣之裏與督脉相會於額頂之百會也。其支者從目

系下頰裏環唇內行任脉之外。本經之裏下頰裏交環

於唇口其支者復從肝別貫膈上注肺此經之支從期

之內胃行食竇之小本經之裏上注肺下行至中焦按中腕之分以交於手太陰也

愚按右十二經者雖各經自有起止而其交經接續或

自藏而府或自府而藏必行其五行所屬本部如肺與

屬金肺即行而後交於別經如肺與大腸行後其起於

頭而止於足者必交於足其起於足而止於腹者必交

於腹靈樞通順肥瘦其起於手而止於頭者必交於頭

其起於腹而止於手者必交於手未嘗有甚相遠者昔

人謂十二經脈之行本是一脈貫通信哉是言也試觀

手太陰肺經即行手陽明大腸經蓋自藏而府也兩經皆屬

金肺起於中府。在中乳上三肋間而止於少商。在手大指

大腸起於商陽。在手次指端而止於迎香。在鼻孔旁五分以手大指

而交次指其經脉豈相遠乎。由是迎香交於承泣。在目下七

分屬胃經大腸經行於胃經經脉可謂近矣。足陽明胃經即

行足太陰脾經。蓋自府而藏也。肅經皆屬土胃起於承泣而

止於厲兌。在足次指端脾起於隱白。在足大指端內側而止於大包。

淵液下三寸布膏脇中出兔肘間以足次指而交足大指其經脉豈相

遠乎。由是大包行於極泉。臂內腋上筋脾經行於心經。

經脉可謂近矣。手少陰心經即行手太陽小腸經。蓋自

藏而府也。兩經皆屬火心起於極泉而止於少衝。在手小指內

腸起於少澤

在手小指外側

而止於聽宮

耳中珠如赤小莖

以手小指

內廉而交外側

其經脉豈相遠乎由是聽宮交於精明

目內眥

外一分小腸經行於膀胱經經脉可謂近矣足太陽膀胱

經即行足少陰腎經蓋自藏而府也

兩經皆屬水

膀胱起

於精明而止於至陰

在足小指外側

腎起於湧泉

在足心

而止於

俞府

在喉下五寸天突下一寸璇璣結

以足小指而入足心其經

脉豈相遠乎由是俞府交於天池

腋下一寸乳後一寸肱下三寸乳後一寸

腎經交包絡經經脉可謂近矣手厥陰心包絡經即行

手少陽三焦經蓋自藏而府也

兩經皆屬火

包絡起於天池

而止於中衝

在手手中指端

三焦起於關衝

在手無名指第四指之端

而

止於絲竹空。

眉後陷中一云止於和膠

以手中指而交四指其經脉

豈相遠乎。由是絲竹空交瞳子。

目外去五分

三焦行於膽

經經脉可謂近矣。足少陽膽經即行足厥陰肝經。兩經皆屬

木膽經起於瞳子膠而止於窾陰。

在足第四指之端

肝經起於

太敦。

在足大指端

而止於期門。

去中行巨關旁四寸五分

以四指而交大

指外側其經脉豈相遠乎。由是期門又行中府以肝而

交肺也。其經脉又相近者。十二經之一脉貫通如此。人

以十二經之行地位為相懸者。豈亦未之審歟。

正考

證

本節營衛行陽二十五度行陰亦二十五度一周也。故五十度復會於手太陰數語出自營衛生會篇論

宗氣與營氣同行於經脉之中並無衛字。此乃增一衛字。遂使後世疑衛氣亦會於手太陰。

靈樞營

按此正上中
下之三焦與
手少陽三焦
全無相涉即
二十五難以
並觀之則知
手少陽三焦
有如岐也

衛生會篇黃帝曰願聞營衛之所行皆何道從來岐伯

荅曰營出於中焦營陰氣也而由中焦之氣衛出於下

焦衛陽氣也而由下焦之氣願聞三焦之所出此一問

下焦必有所出之氣上文問營衛從何道來故用二出

於字此則願聞三焦之所出故直指三焦言之也然上

焦固是宗氣其中焦卻不得管氣而下焦卻不得衛岐

氣蓋中焦乃營之所由生而下焦乃衛之所由生也岐

伯荅曰上焦出於胃上口宗氣並咽以上貫膈而布育中

膈中走腋雲門循太陰肺之分而行還至陽明大腸上至舌

下足陽明胃由是而注脾注心注膀胱注常與營俱行

于陽二十五度行于陰亦二十五度一周也故五十度

而復大會于手太陰矣按此本言上焦宗氣與營俱行

並不言與衛俱行滑伯仁引註

三十難上。將此營字下。添一衛字。蓋不明此難營字下多衛字之誤。止知難經而不知有內經也。黃帝

曰。願聞中焦之所出。岐伯荅曰。中焦亦並胃中。出上焦

之後。此所受氣者。泌糟粕。蒸津液。化其精微。上注於肺

脉。循十二經以運行乃化而為血。以奉生身。莫貴于此。本言營

非言營故獨得行于經隧。營氣獨得行于經隧則衛氣

曰。營氣。黃帝曰。願聞下焦之所出。岐伯荅曰。下焦者。別

迴腸。注于膀胱。而滲入焉。故水穀者。常并居于胃中。成

糟粕。而俱下于大腸。而成下焦。滲而俱下。濟泌別汁。循

下焦。而滲入膀胱焉。此言下焦之功用。末缺命曰衛氣

焦一**正考證**營氣隨宗氣以同行於經隧之中。必按

靈樞營氣篇黃帝曰營氣之道內穀為寶穀入於胃乃

傳之肺流溢於中布散於外精專者行於經隧常營運

無已終而復始是謂天地之紀故氣營從太陰脾出注

手陽明大腸上行注足陽明胃下行至跗上注大指間與

太陰脾合上行抵髀從脾注心中循手少陰心出腋下

臂注小指合手太陽小腸上行乘腋出頰之少內注目內

眦上顛下項合足太陽膀胱循脊下尻下行注小指之端

至陰陽循足心泉注足少陰腎上行注腎從腎注心外散

于胸中循心主脉心包出腋下臂出兩筋之間入掌中

出中指之端中衝還注小指次指之端關衝合手少陽三焦上

行注臆中。散于三焦。從三焦注膽。出脇。注足少陽。膽下

行至跗上。復從跗注大指間。大合足厥陰肝上行至肝。

從肝上注肺。上循喉嚨。入頰頰之竅。窕于畜門。素問評熱病論

王冰註云。暴卒厥者。氣衝突於畜門而出於鼻。難經七衝門無蓄門之名。疑是貴門。貴門也。其支別

者。上額循巔。下項中。循脊入骶。是督脉也。絡陰器。上過

毛中入臍中。上循腹裏。入缺盆。下注肺中。復出太陰。肺

此營氣之所行也。逆順之常也。思按營氣循行之次。蓋

蓋與靈樞五十營二十三難辭不同。而其次則同也。**正氣論**衛氣不循經脈而

膚分肉之間。始於足太陽。而後會於足太陰。靈樞衛氣行篇。黃帝問於岐伯。

曰。願聞衛氣之行。出入之合。何如。伯高曰。歲有十二月。

日有十二辰子午為經卯酉為緯天周二十八宿而一

面七星四七二十八星房昴為緯虛張為經是故房至

畢為陽昴至心為陰陽主晝陰主夜故衛氣之行一日

一夜五十周於身晝日行於陽經陽二十五周夜行於陰

經陰二十五周周於五歲甲子歲至戊辰六氣始周是故

平旦陰盡陽氣出於目目張則氣上行於頭循項下足

太陽其熱論篇岐伯曰巨陽者諸陽之屬也其脈連於風府故謂諸陽主氣也循背下至小

指之端至至其散者別于目銳眦近聽下手太陽下至

手小指之間外側少其散者別于目銳眦瞳子下足少

陽注小指次指之間以上循手少陽之分側下至小

此皆

指之間

開別者

以上至耳前合于頷脉

上通承泣

注足陽明

以下行至跗上

陽入

五指之間

五字當作

其散者從耳

下下手陽明入大指之間

商入

掌中其至于足也入足

心

出內踝下行陰分

自腎注心

復合于目睛故爲

一周

已上言行陽行陰之義

是故日行一舍人氣行一

周與十分身之八日行二舍人氣行二周於身與十分

身之六日行三舍人氣行于身五周與十分身之四日

行四舍人氣行于身七周與十分身之二日行五舍人

氣行於身九周日行六舍人氣行于身十周于十分身

之八日行七舍人氣行于身十二周在身與十分身之

六日行十四舍。人氣二十五周于身。有奇分。與十分身

之四。以曆數合脉數。止七舍十一周。十四舍二十。陽盡

于陰。陰受氣矣。其始入于陰。常從足少陰注于腎。腎注

于心。心注于肺。肺注于肝。肝注于脾。脾復注于腎。為周

是故夜行一舍。人氣行于陰。藏一周。與十分藏之八。亦

如陽行之二十五周。而復合于目。陰陽一日一夜合有

奇分。十分身之四。與十分藏之二。**正考證**穀氣入胃。運為精微。

之氣。而宗氣營氣衛氣所由成焉。宗氣本出于上焦。營

氣出于中焦。故清者為營。衛氣出于下焦。故濁者為衛。

宗氣營氣晝夜共行五十度。故曰太陰主內。衛氣晝夜亦行五十度。故曰太陽主外。然脉必會于手太陰。故診

法必以寸口為主。靈樞管衛生會篇岐伯曰。人受氣于穀。穀入

經氣通天
 有日中而
 陽氣安云
 有者高也
 百蓋降騰
 通所

于胃以傳與肺五藏六府皆以受氣其清者為營濁者

為衛管在脉中衛在脉外管管氣周不休五十而復大會

宗陰陽相貫如環無端已上四句言管衛氣行於陰二十五度

行於陽二十五度分為晝夜故氣繡至陽太陽而起

至陰足太而止已上五句言衛故曰日中而陽隴為重陽夜半

而陰隴為重陰故太陰手太主內主宗太陽足太主

外主衛各行二十五度分為晝夜營衛行於晝夜者各二

二十五度已上六句總營衛言夜半為陰隴夜半後而為陰衰平旦而

陰盡而陽受氣矣此三句承上文夜半而陰隴為重陰來明陰隴之後而陽繼之日中

而陽隴日西而陽衰日入陽盡而陰受氣矣此三句承上文日中

而陽能爲重陽來明。夜半而大會。萬民皆用。命曰合陰。

平日陰盡而陽受氣。

此四句終承上文而言。

如是無已與天地同

紀。

自故曰以下至此皆明晝夜運行之度有如此者。

二難曰。脉有尺寸。何謂也。然尺寸者。脉之大要會也。從關至尺。是尺內陰之所治也。從關至魚際。是寸口內陽之所治也。故分寸爲尺。分尺爲寸。故陰得尺內一寸。陽得寸內九分。尺寸終始一寸九分。故曰尺寸也。

此篇論脉之所以有尺寸也。夫掌後高骨。其名曰關。正以關乃居於尺寸之間。似有界限之義。固無惑矣。但在上則曰寸。在下則曰尺。而曰尺曰寸。皆以數名。與關不

同何謂也。然人之有是尺寸者，乃脉之大要會也。非特
關爲脉之大要會而已。曰會者，脉氣之所聚也。曰大要
會者，其會聚之所爲至要至大也。觀一難以寸口可決
死生。素問平人氣象論以寸口太過不及之脉而知諸
疾。八難以下部無脉爲死。靈樞論疾診尺篇欲獨調其
尺以言其病，則尺寸誠爲脉之大要會矣。所以謂之尺
者，從關以下至尺澤穴。係肘中約紋之間
手太陰肺經穴得一尺，故卽
此尺字而名之曰尺。是尺內陰脉之所屬。十八難所謂
下部法地者是也。所以謂之寸者，從關以上至魚際。係
後溪紋頭手
太陰肺經穴得一寸，故卽此寸字而名之曰寸。是寸口

內陽脉之所屬十八難所謂上部法天者是也

素問六

論岐伯曰天氣主之天樞之上天氣主之天樞之下地氣主之天

氣交之分人氣從之計云天樞當臍之兩旁也天樞止

當身之中上水應天下水應地中水應氣交天地之氣

交合之際靈樞陰陽繫日月篇岐伯曰腰以上為天腰

以下為地故天治之為言屬也故名尺為尺者以其有

為陽地為陰

別於寸而名之為尺也名寸為寸者以其有別於尺而

名之為寸也分之為言別也故尺之所分既屬於陰則

其脉之見也當得尺內一寸

按至一寸而沉三難所謂關以後

者陰之動也脉當見一寸而沉者是也蓋一寸者陰數

也老陰之數終於十宜脉之沉者如此寸之所分既屬

於陽則其脉之見也當得寸內九分

按不至于一寸止

于九分而指舉即

脈三難所謂關以前者陽之動也。脈當見九分而浮者是也。蓋九分者陽數也。老陽之數極於九。宜脈之浮者如此。要之寸內爲寸。尺內爲尺者。自其部分而名之也。固不外乎陰陽以爲之。上下尺見一寸而沉寸見九分而浮者。自其脈體之浮沉而言之也。亦不外乎陰陽以爲之。表裏且其上下表裏之間。自有相爲始終之妙。陰不生於陰而生於陽。則寸爲尺之始。而尺爲寸之終。陽不生於陽而生於陰。則尺爲寸之始。而寸爲尺之終。十八難所謂手太陰肺陽明大腸金生足少陰腎太陽膀胱水生足少陰肝太陽膽木足厥陰脾少陽胃木。

生手少陰

心君

太陽

厥陰

少陽

三焦火

手少陰太

陽厥陰少陽火生足太陰

脾陽明

土此皆母子更相

生養者也其終始之義可見矣尺寸成始成終不外乎

一寸九分之為陰為陽者而已故曰脉之有尺有寸也

末句正以答脉有尺寸之問非止承終始一寸九分之

一語也

正考證

按本難之辭內經與無然尺寸字瓦

脉要精微論靈樞邪氣藏府病形篇等篇皆有尺寸

二字則知非始於岐人自言之也但本嘗有言反問者未

知其為何故耳偏越人言之見十八難中今按此難之

曰尺者以尺澤至此尺部計有一尺而即問此尺字以

名之也其曰寸者以魚際至此太淵六寸有一寸而即

比寸字以名之也皆指部位而言其曰一寸九分者

揆下篇二難有脉當見九分而浮見一寸而沉等語分

明指脉體浮沉而言奈何後世諸說紛紛不指此二節

為主另求別義也。強附會。是皆泥於部位。而不明越人
浮沉之義耳。今愚既以越人本義為主。凡熊張滑李真
麻學大全等說。皆不必載入也。又王叔和脉經云。從
魚際至高骨。却行一寸。其名曰寸口。從寸至尺。名曰尺
澤。故曰尺寸。寸後尺前。名曰關。陽出陰入。以關為界。陽
出三分。陰入三分。故曰三陰三陽。陽生於尺。動於寸。陰
生於寸。動於尺。寸主射上焦。出頭及皮毛。竟手。
關主射中焦。腹及腰。尺主射下焦。少腹至足。
附考

論 寸尺能素問平人氣象論岐伯曰欲知寸口太過與不及寸口之脉中

去聲

手短者曰頭痛寸口脉中手長者

曰足脛痛寸口脉中手促上擊者曰肩背痛寸口脉沉

而堅者曰病在中寸口脉浮而盛者曰病在外寸口脉

沉而弱曰寒熱及疝瘕少腹痛寸口脉沉而橫曰脇下

有積腹中有橫積痛寸口脉沉而喘曰寒熱尺脉緩濇

謂之解休

寒不寒熱不熱病不病壯不安卧脉盛謂之

脫血尺瀉脉滑謂之多汗尺寒脉細謂之後泄脉尺麤

常熱者謂之熱中素問脉要精微論岐伯曰尺內兩旁

則季脇也尺外以候腎尺裏以候腹中

則季脇也尺外以候腎尺裏以候腹中

附考證

按靈樞論

又按靈樞經禁書黃帝曰寸口主中尺口主外而素問

大經藏家論靈樞終始篇皆以寸口一盛二盛三盛候

諸病也近世醫學正傳不知此義乃以寸口為大脉之總名通兼關尺而言繆矣

三難曰脉有太過有不及有陰陽相乘有覆有溢有關有

格何謂也然關之前者陽之動也脉當見九分而浮過者

法曰太過減者法曰不及遂上魚為溢為外關內格此陰

乘之脉也。關以後者。陰之動也。脉當見一寸而沉。過者法

曰太過。減者法曰不及。遂入尺爲覆。爲內關外格。此陽乘

之脉也。覆按反王。啓雲云。熊宗立張世賢俱於脉當下無見字。滑伯仁則有見字。今從之。

此一節論脉有太過不及。所以有陰陽相乘。而爲覆爲

溢。爲關爲格也。太過不及者。病脉之源也。六難浮之實

大。是浮之太過也。浮之損小。是浮之不及也。陽部有此

太過不及也。即下九分而浮之脉。或爲太過。或爲不及。沉之實大。是沉之太

過也。沉之損小。是沉之不及也。陰部有此太過不及也。

即下一寸而沉之脉。或爲太過。或爲不及。陰陽者。寸部尺部也。相乘者。脉越

本位。陰脉乘陽部。陽脉乘陰部也。覆者。即陽脉乘陰部。

如物從上而之下也。溢者，即陰脉乘陽部。如水自內而溢外也。關則有界限之意，所乘之部不容他脉之得出也。格則有格拒之意，本脉之部不容正脉之轉入也。凡曰太過，曰不及，曰陰陽相乘，曰覆，曰溢，曰關，曰格。義之一貫者也。言脉有太過，有不及，有陰陽相乘，有覆，有溢，有關，有格。何謂也？然關前爲寸，其脉乃陽之動也。陽動之脉當得寸內九分而浮，浮而過者曰太過，不及於浮者曰不及也。過者將有乘陰之機，而其不及者遂致陰脉上魚爲溢。張仲景傷寒論云：陽脉不足，陰往乘之。陽則外關而不容下，陰則在內以拒格之，乃爲外關內格。此陰乘陽部之脉。

按此格又見二
十三難之下
乃診法之至
妙者自夫後
世指為病名
而診法脈矣
惜哉

也。關後為尺。其脈乃陰之動也。陰動之脈當得尺內一
寸而沉。沉而過者曰太過。不及於沉者曰不及也。過者
將有乘陽之機。而其不及者。遂致陽脈入尺為覆。傷寒論云
陰脈不足。陽性乘之。陰則內關而不容。上陽則在外以格拒之。乃
為內關外格。此陽乘陰部之脈也。由是觀之。則有太過
不及而後陰陽得以相乘矣。此其所以為覆為溢而為
關為格也。豈非相因而至者乎。

附考證

本難之難內經俱無其關

格二字屢見于經。但此難以尺寸論。關格內經則以人迎氣口論。關格今詳載之以備參考。

素問六

節藏象論曰。人迎一盛病在少陽。二盛病在太陽。三盛
病在陽明。四盛已上為格陽。寸口一盛病在厥陰。二盛

病在少陰三盛病在太陰四盛已上為開陰少陽三焦太陽
勝說與小陽陽明胃與大陽厥陰并與心包絡少陰腎
與心太陰脾與肺王冰之所註者非蓋不考靈樞終始
禁服等人迎與寸口俱盛四倍已上為開格開格之脉
補也不能極於天地之精氣則死矣 靈樞終始篇岐伯
曰人迎一盛病在足少陽一盛而躁病在手少陽人迎
二盛病在足太陽二盛而躁病在手太陽人迎三盛病
在足陽明三盛而躁病在手陽明人迎四盛且大且數
名曰溢陽溢陽為外格脉口一盛病在足厥陰厥陰一
盛而躁在手心主脉口二盛病在足少陰二盛而躁在
手少陰脉口三盛病在足太陰三盛而躁在手太陰脉

口四盛且大且數者名曰溢陰。溢陰爲內關。內關不通死不治。人迎與太陰脉口俱盛四倍已上命曰關格。關格者與之短期。靈樞禁服篇黃帝曰寸口主中人迎主外兩者相應俱往俱來若引繩大小齊等春夏人迎微大秋冬寸口微大如是者名曰平人。人迎大一部於寸口病在足少陽一倍而躁在手少陽人迎二倍病在足太陽二倍而躁病在手太陽人迎三倍病在足陽明三倍而躁病在手陽明盛則爲熱虛則爲寒緊則爲痛痺代則乍甚乍間盛則瀉之虛則補之緊痛則取之分肉代則取血絡具飲藥蹈下則灸之不盛不虛以經取

之名曰經刺。人迎四倍者，且大且數，名曰溢陽。溢陽爲外格，死不治。必審按其本末，察其寒熱，以驗其藏府之病。寸口大於人迎一倍，病在足厥陰；一倍而躁，在手心主；寸口二倍，病在足少陰；二倍而躁，在手少陰；寸口三倍，病在足太陰；三倍而躁，在手太陰。盛則脹滿，寒中，食不化，虛則熱中，出糜，少氣，溺色變，緊則痛痺，代則乍痛乍止，盛則寫之，虛則補之，緊則先刺而後灸之，代則取血絡而後調之，陷下則徒灸之，陷下者，脈血結於中，中有著血，血寒，故宜灸之，不盛不虛，以經取之，寸口四倍者，名曰內關，內關者，且大且數，死不治，必審察其本末。

之寒溫以驗其藏府之病。通其榮輸乃可傳於大數。大數曰盛則徒寫之。虛則徒補之。緊則灸刺。且飲藥。陷下則徒灸之。不盛不虛以經取之。所謂經治者。飲藥亦曰灸刺。脉急則引。脉大以弱。則欲安靜。用力無勞也。按此及靈樞四時氣篇皆以人迎為外。為陽脉。故曰人迎主外。曰人迎候陽。人迎大於氣口者為病在六陽。為格陽。又曰溢陽。溢陽為外格。蓋格者拒也。拒六陰於內。而使之不得運於外也。故脉度篇謂陽氣太盛。陰氣不能營也。為格。皆以右手氣口為內。為陰脉。故曰氣口主內。曰氣口候陰。氣口大於人迎者為病在六陰。為關陰。又曰溢陰。溢陰為內關。蓋關者閉也。閉六陽在外。而使之不能運於內也。故脉度篇謂陰氣太盛。陽氣不能營也。為關。並無以寸為外。尺為內。及尺寸相乘為內外關格。今難經云然。則與內經異矣。然以尺寸分內外。亦甚近於理。無論其與經異也。彼三十七難以陽氣太盛為關。陰氣太盛為格。乃大謬耳。滑伯仁張世賢引脉度篇註此

按內經脈
隔互見此
宜以格為
蓋病成於
故即曰脈

難。是以內經分左右為內外者。註分寸為內外矣。李
東垣朱丹谿論開格。與三十七難同。皆不考內經故也。
且開格二字。內經明指陰陽偏勝脈體。非指病名也。傷
寒論指為病名。後世李朱等宗之。然止指得內開外格。
又遺卻外開內格。若以內經之開格脈體。而必求其病
以實之。則凡六陽偏盛之病。皆曰格。六陰偏盛之病。皆
曰關。後世不審開格為脈體。而指為病名者。蓋以六陽
二六陰之格。為開格之病。誤候指格為隔耳。和氣藏府
病形篇論腎脈微急。腎脈微緩。上脘篇皆云。食飲入而
還出。許熱論諸水病。胃腕膈風。諸胃風皆曰。喘之為證也。
故曰。覆溢是其真藏之脈。人不病而死也。王啓雲云。王叔和脈經無其字。
此節承上文而言。覆溢為真藏之脈。人雖未病。而其勢
必至於死也。由上文觀之。則知太過不及者。病脈之源
也。所以有陰陽相乘。而為覆為溢焉。其開格亦覆溢所
致。故曰。覆則有陽而無陰。溢則有陰而無陽。無胃氣以

爲和。是乃真藏之脉耳。斯人者。雖尚未病。而未有不至於死也。

附考

真藏之脉。屢見於經。然皆非本覆於

無不

同也。素問平人氣象論岐伯曰。平人之常氣稟於胃。

胃者。平人之常氣也。人無胃氣曰逆逆者死。又曰。肝見庚辛死。心見壬癸死。脾見甲乙死。肺見丙丁死。腎見戊己死。是謂真藏見皆死。又曰。人以水穀爲本。故人絕水穀則死。脉無胃氣亦死。所謂無胃氣者。但得真藏脉。不得胃氣也。所謂脉不得胃氣者。肝不弦。腎不石也。素問玉機真藏論岐伯曰。大骨枯槁。大肉陷下。胃中氣滿。喘息不便。其氣動形。期六月死。真藏脉見。乃予之期日。

作未
來當

作未
來當

大骨枯槁大肉陷下。胷中氣滿。喘息不便。內痛引肩項。期一月死。真藏見。乃予之期日。大骨枯槁。大肉陷下。胷中氣滿。喘息不便。內痛引肩項。身熱脫肉。破腠。真藏見。十月之內死。大骨枯槁。大肉陷下。肩髓內消。動作益衰。真藏來見。期一歲死。見其真藏。乃予之期日。大骨枯槁。大肉陷下。胷中氣滿。腹內痛。心中不便。肩項身熱。破腠。脫肉。目匡陷。真藏見。目不見人。立死。其見人者。至其所勝之時則死。急虛身中卒至。五藏絕閉。脉道不通。氣不往來。譬如墮溺。不可爲期。其脉絕不來。若人一息五六至。其形肉不脫。真藏雖不見。猶死也。真肝脉至中外

急如循刀刃。責責然如按琴瑟弦。色青白不澤。毛折乃死。真心脉至堅而搏。如循薏苡子累累然。色赤黑不澤。毛折乃死。真肺脉至大而虛。如以毛羽中人膚。色白赤不澤。毛折乃死。真腎脉至搏而絕。如指彈石辟辟然。色黑黃不澤。毛折乃死。真脾脉至弱而乍數乍疎。色黃青不澤。毛折乃死。諸真藏脉見者。皆死不治也。黃帝曰。見真藏曰死。何也。岐伯曰。五藏者。皆稟氣於胃。胃者五藏之本也。藏氣者。不能自致於手太陰。必因於胃氣。乃至於手太陰也。故五藏各以其時自爲而至於手太陰也。故邪氣勝者。精氣衰也。故病甚者。胃氣不能與之俱至。

於手太陰故真藏之獨見獨見者病勝藏也故曰死

素問陰陽別論岐伯曰所謂陰

五藏者

真藏也見則爲

敗敗必死也又云凡持真脉之藏脉者肝至懸絕急十

八日死心至懸絕九日死肺至懸絕十二日死腎至懸

絕七日死脾至懸絕四日死

四難曰脉有陰陽之法何謂也然呼出心與肺吸入腎與

肝呼吸之間脾受穀味也其脉在中浮者陽也沉者陰也

故曰陰陽也

此一節言診脉分陰陽之法者以脉本有陰有陽也夫

脉一而已診之者有陰脉之法焉有陽脉之法焉果何

謂也。然陰脉陽脉不外乎浮沉之間。而浮沉之脉不出乎呼吸而已。故人之息有時呼之而出者。正以心肺在膈上。其體浮。爲藏中之陽。所以呼不自呼也。而由心肺以呼之耳。人之息有時吸之而入者。正以腎肝在膈下。其體沉。爲藏中之陰。所以吸不自吸也。而由腎肝以吸之耳。呼吸之間。有脾居於心肺之下。腎肝之上。納受穀味。不司呼吸。而心肺腎肝皆賴穀味以爲灌溉。則其脾脉已在於呼吸中矣。素問平人氣象論言人一呼脉再動。一吸脉亦再動。呼吸定息。脉五動。閏以大息。正所謂合五藏之脉。而在於呼吸之間也。是以呼則脉浮。浮者

即陽脉也。吸則脉沉。沉者即陰脉也。故曰脉之有陰有

陽也。夫惟脉之有陰有陽。而診脉有陰陽之法者。本於

是矣。**難義**按內經脉有陰陽之義甚廣。茲以浮沉

面者皆其之。素問脉要精微論岐伯曰微妙在脉不可

不察察之有紀從陰陽始始之有經從五行生。生之有

度立行為宜。素問陰陽別論岐伯曰脉有陰陽知陽

者知陰知陰者知陽所謂陰陽者去者為陰至者為陽

靜者為陰動者為陽遲者為陰數者為陽按一難行陽

陰二十五度此陰陽者主晝夜言二難言陰陽者主尺

為陰而寸為陽以部分言也三難言陰陽相乘者亦指

尺寸而言也此難上節首陰陽二字指脉法之陰陽而

言也次陰陽二字指脉體陰陽而言也下一節陰陽二

字與上節首陰陽二字同。十二難心肺為陽。腎肝為陰。是正五藏言也。三十七難言陰陽關係。是以藏府表裏。論陰陽也。四十七難以人面為諸陽之會。諸陰脉至首頸而還。是以手足經脉分陰陽也。五十四難論井榮俞經合屬陰陽。是以病體分陰陽也。六十四難論井榮俞經合屬陰陽。是以俞穴分陰陽也。六十七難言募在陰。俞在陽。是以腹為陰而背為陽也。七十難言春夏致陰。秋冬致陽。是以針法分陰陽也。七十一難論刺陰刺陽。是以刺營衛分陰陽也。七十二難言調氣之方。必在陰陽。是用針之間。必察其內外表裏。以分陰陽也。蓋陰陽二字。無處無之。素問陰陽離合論。岐伯曰。陰陽者。數之可十。推之可百。數之可千。推之可萬。萬之大。不可勝數。然其要一也。其此之謂歟。此數語。又見素問五運行大論。靈樞陰陽繫日月篇。

心肺俱浮。何以別之。然浮而大散者。心也。浮而短濇者。肺也。肝腎俱沉。何以別之。然牢而長者。肝也。按之濡。舉指來實者。腎也。脾主中州。故其脉在中。是陰陽之法也。虛與遊同

此一節言欲知五藏之脉者。雖不外乎浮沉。而浮沉自有所別。此診脉者。所以有是陰陽之法也。越人再難之意。以爲心肺居上。脉俱浮也。旣曰俱浮。而何以別其爲心與肺乎。然脉雖俱浮。而心脉之浮者。則大散。是浮爲陽。而大散亦陽。蓋心脉爲陽中之陽也。肺脉之浮者。則短濇。是浮爲陽。而短濇則陰。蓋肺脉爲陽中之陰也。又以爲腎肝居下。脉俱沉也。旣曰俱沉。而何以別其爲肝與腎乎。然脉雖俱沉。而肝脉之沉者。則牢而長。是牢爲陰。而長爲陽。蓋肝脉爲陰中之陽也。李時范云。肝屬木。木生於地。牢義可知。按葉長於天。長義由此。腎脉之沉者。則按之濡。舉指來實。是按之

濡爲陰。舉指來實亦爲陰。蓋腎脈爲陰中之陰也。李繼

腎屬水。其性濡。水性內剛。故舉之乃實。惟脾則居心肺之下。腎

之乃濡。水性內剛。故舉之乃實。惟脾則居心肺之下。腎

肝之上而屬土位中。主乎中州。故其脈在浮沉之中。卽

浮不浮而沉不沉之意也。五藏之脈不一如此。是以診

脈之法。有此陰陽之分也。蓋節其脈在中。言在呼吸

之中。此節其脈在中。言在浮沉之中。皆自脾脈而言耳。

惟有呼吸而後有浮沉。有浮沉而後有陰陽。有陰陽而

有脈法。分陰陽則浮沉二字。真足以盡脈體與脈法矣。

脈有一陰一陽。一陰二陽。一陰三陽。有一陽一陰。一陽二

陰。一陽三陰。如此之言。寸口有六脈俱動耶。然此言者。非

有六脉俱動也。謂浮沉長短滑濇也。浮者陽也。滑者陽也。長者陽也。沉者陰也。短者陰也。濇者陰也。所謂一陰一陽者。謂脉來沉而滑也。一陰二陽者。謂脉來沉滑而長也。一陰三陽者。謂脉來浮滑而長。時一沉也。所謂一陽一陰者。謂脉來浮而濇也。一陽二陰者。謂脉來長而沉濇也。一陽三陰者。謂脉來沉濇而短。時一浮也。各以其經所在名病逆順也。

此一節言脉有六等之兼見者。非止見於一部。而實見於各部。可以決其病之爲逆順也。言脉有一陰一陽。謂一陰中有一陽脉見也。推之而一陰中有二陽。一陰中

有三陽者焉。又有一陽一陰。謂一陽中有一陰。脈見也。推之而一陽中有二陰。一陽中有三陰者焉。如此之言。則脈有此六等矣。是果於寸口中有此六等脈俱動耶。曰。寸口則關尺可推矣。然此六等之脈者。非言共動於一部也。謂浮沉長短滑瀦六者之脈。自有相兼而互見也。蓋浮者滑者。長者皆陽脈也。沉者短者瀦者。皆陰脈也。浮沉以舉按輕重言。浮脈輕舉而易得。沉脈重按而難得。長短以本位太過不及言。長則過於本位。短則不及本位。又據脈訣中論長脈云。過於本位曰長。舉之有餘。亦曰長。則論短脈亦當云。不及本位曰短。舉之不足。

亦曰短是長短固可以參部位而言亦可以就舉按而言也滑瀦以體性言滑脉累累如珠而不絕瀦脉若輕刀刮竹而往來難也所謂一陰中有一陽者謂脉來沉矣而又兼滑與長也一陰中有二陽者謂脉來沉矣而又兼滑與長也一陰中有三陽者謂脉來浮滑而長矣而又時見一沉也所謂一陽中有一陰者謂脉來浮矣而又兼滑也一陽中有二陰者謂脉來浮矣而又兼沉與瀦也一陽中有三陰者謂脉來沉瀦而短矣而又時見一浮也此乃六等之脉互見於各部者如此夫豈共動於寸口而已哉然是脉也又可各以其經所在而名其病

之爲逆爲順焉。蓋一陰一陽者。謂詠來沉而滑。見於左
手尺部。是腎與膀胱之正脉也。故名之曰順。若見於左
手寸口。是心與小腸之脉被水來尅火矣。非逆而何。一
陰二陽者。脉來沉兼滑而長。此脉見於陰部。是爲陽乘
陰矣。一陰三陽者。脉來浮滑而長。時一沉也。尺部見之
則爲陽中伏陰矣。似二十難陽脉來陰而陽中伏陰之脉一陽一陰者。謂
脉來浮而濇。見於右手寸口。是肺與大腸之正脉也。故
名曰順。若見於左手關中。是肝膽之脉被金來乘木矣。
非逆而何。一陽二陰者。脉來長而沉濇也。此脉見於陽
部。是血氣俱虛。爲陰乘陽矣。一陽三陰者。脉來沉濇而

短時一浮也寸部見之則爲陰中伏陽矣。

肝似
乘二
陽十
而難
陰陰

中伏陽

各以十二經所在審四時之候察六脉之變以

名其病之爲逆爲順而決其死生也

附考證

景傷寒

乘火金行乘木名曰縱以折燥木木行乘金名曰橫水

行乘金火行乘木名曰逆也
行乘水木行乘火名曰順也

五難曰。脉有輕重。何謂也。然初持脉如三菽之重。與皮毛

相得者。肺部也。如六菽之重。與血脈相得者。心部也。如九

菽之重與肌肉相得者脾部也如十一菽之重與筋平者。

肝部也。按之至骨。舉指來疾者。腎部也。故曰輕重也。

此一篇論診脈之法有輕重之異也脈有輕重指診脈

者。下指有輕重也。非言脉有輕重也。菽。豆也。豆之多寡。因下指診脉間。舉按有輕重而言也。言診脉之法。有輕有重。何謂也。然凡下指持脉者。先取乎浮。而後取乎沉。其輕重有五等之不同焉。初時持脉之際。舉指如三菽之重。彼肺主皮毛。而指下脉來相應。卽與皮毛相得者。是肺部之脉所形也。王叔和脉經註云。言脉輕如三小豆之重。浮之在皮毛之間者。肺氣所行。故言肺部也。下倣此。由此推之。則心主血脉。血脉在皮毛之內。故又加三菽。計有六菽之重。而脉來與血脉相得者。乃心部之脉所形也。脾主肌肉。肌肉在血脉之內。故又加三菽。計有九菽之重。而脉來與肌肉相得者。乃脾部之

脉所形也。肝主筋。筋在肌肉之内。故又加三菽。計有十二菽之重。而脉來與筋平者。乃肝部之脉所形也。腎主骨。骨在筋之内。故按之至骨。舉指來疾者。乃腎部之脉所形也。腎不言菽。以類推之。當如十五菽之重耳。故曰脉有輕重。此之謂也。

正考證

按持脉如三菽之重。非止指右寸而言。凡六脉

皆然也。蓋皮毛至浮。血脉下之。肌肉又下之。骨又至沉者也。故輕重不同。要得沉三菽止於右寸。六菽止於左寸。九菽止於右關。十二菽止於左關。十五菽止於尺部。故又按張仲景云。曰經說脉有三菽六菽重者。何謂也。經曰。脈者。人以指按之。如三菽之重者。肺也。如六菽之重者。心也。如九菽之重者。脾也。如十二菽之重者。肝也。按之至骨者。腎氣也。又按此篇之意。已盡於前篇首二節中矣。前篇心脈俱浮。浮而短濇者為肺。此篇初持脉如三菽之重。與皮毛相得者是也。前篇浮而大散者為心。此篇如六菽之重。與血脉相得者是也。前

篇脾居中州其脈在中此篇如九菽之重與肌肉相得者是也前篇牢而長者肝也此篇如十二菽之重與筋平者是也前篇按之濡舉指來實者腎也此篇按之至骨舉指來疾者是也但前篇各主本部而言此篇則以一部之脈而形之於各部者如此學者能知本部之脈體又知各部來形之所體參之以四時之王脈時脈如春弦夏鉤少陽乍大乍小之類則於診法其庶幾乎

六難曰脈有陰盛陽虛陽盛陰虛何謂也然浮之損小沉之實大故曰陰盛陽虛沉之損小浮之實大故曰陽盛陰虛是陰陽虛實之意也

此言陽部陰部各有太過不及之脈也陰者尺也陽者寸也盛者太過也卽實大也虛者不及也卽損小也言尺脈居下平則爲宜有時而爲虛爲盛寸脈居上平則

爲宜。有時而爲虛爲盛。是果何謂也。然寸脈爲陽。陽得寸內九分。則其脈宜浮。今脈浮之而損小。則陽虛矣。尺脈爲陰。陰得尺內一寸。則其脈宜沉。今脈沉之而實大。則陰盛矣。故曰陰盛陽虛。反是而尺脈之沉者。則損小焉。乃陰虛也。寸脈之浮者。則實大焉。乃陽盛也。故曰陽盛陰虛。合而觀之。是乃陰部陽部有虛有實之意也。雖然。分寸尺而言。則陰脈陽脈判矣。然陽部中有陰脈。陰部中有陽脈。每部各有陰陽虛實之意。如指下重手沉取之而實大。輕手浮取之而損小。謂之陰盛陽虛。亦可也。輕手浮取之而實大。重手沉取之而損小。謂之陽盛。

陰虛亦可也。此法已具於上篇。救數之有輕重矣。語意渾然。學者不可不知也。

七難曰。經言少陽之至。乍大乍小。乍短乍長。陽明之至。浮大而短。太陽之至。洪大而長。太陰之至。緊大而長。少陰之至。緊細而微。厥陰之至。沉短而敦。此六者。是平脉也。將病脉邪。然皆主脉也。王去聲下同

此一節。舉三陽三陰之脉。而指其爲主脉也。經言者。述內經之有是言也。餘篇倣此少陽者。卽素問陰陽類論。黃帝之所謂一陽者。少陽也。楊上善釋之以爲足少陽者是也。言膽而肝可知矣。陰陽類論。帝曰。二陽爲經。部又曰。一陽爲經。王冰註云。陽氣未大故

曰少陽陰陽離合論岐伯曰厥陰之表名曰少陽少陽根起於竅陰名曰少陽陽中之少陽又素問陰陽別論王冰釋一陽為膽及三焦之脉者蓋本陰陽類論中來然此篇當指膽言又按素問六節藏象論云岐伯曰肝者罷極之本魂之處也為陽中之少陽通於少陽之至春氣則自時而言肝亦可以稱為少陽也

者脉之至也

此下倣

陽明者即陰陽類論黃帝之所謂二

陽者陽明也

楊上善釋之以為足陽明脉者是也言胃

而脾可知矣

陰陽類論帝曰二陽為維又曰二陽為衛王冰云辰為左足之陽明巳為右足之陽

明謂陽合明故曰二陽者陽明也又素問陰陽離合論岐伯曰太陰之前名曰陽明陽明根起於厲兌名曰陰

中之陽又陰陽別論王冰釋二陽為大腸及胃之脉蓋本陰陽類論中來然此篇當指胃言太陽者

即素問陰陽別論岐伯之所謂三陽王冰釋之以為小

腸膀胱之脉而此則止言小腸耳言小腸而心可知矣

陰陽離合論岐伯曰少陽之上名曰太陽太陽根起於至陰結於命門名曰陰中之陽陰陽類論帝曰三陽為經又曰三陽為父又曰三陽為表揚上善指為足太陽然此篇當主手太陽言陰陽別論王冰釋三陽為小腸膀胱之脈而此篇主小腸言者是也又按素問六節藏象論岐伯曰心者生之本神之主也為陽中之太陽通於夏氣則自時而言心太陰者即陰陽類論黃帝之所亦可以稱為太陽也

謂三陰王冰釋之以為手太陰者是也言肺而大腸可知矣

知矣

陰陽類論帝曰三陰者六經之所主也交於太陰又曰三陰為母陰陽離合論岐伯曰中身而上名曰廣明廣明之下名曰太陰王冰釋之以為指脾而言

唯陰陽別論釋三陰為肺脾之脈而此則當指肺言也又按六節藏象論云肺者氣之本也為陽中之太陰通於秋氣則指肺為無疑矣

少陰者即陰

陽類論黃帝之所謂二陰王冰釋之以為足少陰者是也

也言是腎經而膀胱可知矣

陰陽類論帝曰二陰至肺其氣歸膀胱外連脾胃又

曰二陰為雌陰陽離合論岐伯曰聖人南面而立前曰
廣明後曰太衝太衝之地位名曰少陰陰陽別論王冰釋
二陰為心腎而此篇則指腎言也又按六節藏象論岐
伯曰腎者主骨生髓封藏之本精之處也為陰中之少陰通
於冬氣則補厥陰者即陰陽類論黃帝之所謂一陰王
腎為無疑矣厥陰者即陰陽類論黃帝之所謂一陰王
冰釋之以為一陰之藏合三焦則此當指手心主言也
蓋手心主與三焦為表裏合脈於右尺之間而冬極水
盛火衰脈體沉石故應以此為候耳言手心主而三焦
可知矣按素問血氣形志論云少陰與心主為表裏言
三焦膀胱言右腎合三焦而左腎合膀胱也又靈樞本
經篇云少陽者屬腎是三焦之屬于右腎也明矣而心
主既與之為表裏則腎主於冬心主之脈宜其沉短而
敦也又按陰陽類論帝曰一陰獨至經經氣浮不鼓鈞
而滑又曰一陰為獨使楊上善言一陰厥陰也王冰云
一陰之藏合三焦三焦主謁導諸氣名曰使者故云獨

使也。按此厥陰之脉疑似肝脉。蓋肝至春方生。而冬時
亢甚。故其所來如此。但於至字稍碍。又無一經而至冬
春二時之理。故必如王冰以手心主釋之者爲是也。惟
高明者其正焉。又陰陽離合論。岐伯曰。少陰之前名曰
厥陰。則止肝耳。陰陽別論。亦有所謂一陰。王冰釋之言
以爲手心主及肝之脉。而此篇則當指手心主言也。言
經文有謂少陽之脉其至也。乍大乍小。乍短乍長。蓋長
大爲陽。短小爲陰。而陽之初生。故陽脉雖乍至而猶未
離乎陰脉者如此。陽明之脉其至也。既浮且大。又見其
短。蓋浮大爲陽。短則爲陰。而陽之方壯。故陽脉盛而陰
脉微者如此。太陽之脉其至也。既洪且大。又見其長。蓋
洪大而長皆陽脉也。而陽之甚盛。故純見陽脉而無陰
脉者如此。太陰之脉其至也。始見其緊。殊大而長。蓋緊

者爲陰。大與長者爲陽。而陰之初生。故陰脉微而陽脉盛者如此。少陰之脉其至也。既緊而細。又見其微。蓋緊細與微皆陰脉也。而陰之方盛。故陰脉之全見者如此。厥陰之脉其至也。既沉且短。又見其敦。蓋沉短而敦。陰脉之極也。而陰之正盛。故陰脉之甚重者如此。凡此六脉是不病而爲平脉也。將不平而爲病脉耶。然此非平脉亦非病脉。乃當令而王之脉也。平病者。春弦夏鉤。秋毛冬石之類是也。病脉者。浮數爲熱。遲沉爲寒之類是也。王脉者。如此篇之所言是也。此一節槩言其脉體而未及言其時令。下文方詳言之。

正考證

本難三陽等語出自素問

平人氣象論其三陰脉至內經所平人氣象論岐伯曰

關今載扁鵲陰陽脉法以備參考太陽脉至洪大以長

以長其來浮於筋上動搖九分三

月四月甲子王呂廣云太陽王五月少陽脉至乍數乍

疎乍短乍長扁鵲陰陽脉法云少陽之脉乍小乍大乍

二月其氣尚微故其脉來進退無常陽明脉至浮大而

短呂廣云陽明王三月四月其氣始萌未盛其脉來浮

王五月甲子日中七月八月王太陰之脉緊細以長乘

以筋上動搖九分九月十月甲子王厥陰之脉沉短以

紫動搖三分十一經脉別論帝曰太陽藏何象岐伯

曰象三陽而浮也帝曰少陽藏何象岐伯曰象一陽也

一陽藏者滑而不實也帝曰陽明藏何象岐伯曰象大

浮也。太陰藏搏，言伏鼓也。二陰搏至，腎沉不浮也。此陰

乃關也。至真要大論。帝曰：陽明何謂也？岐伯曰：兩陽合明

也。陰陽繫日月論曰：辰者三月，主左足之陽明。巳者，帝

曰厥陰何也？岐伯曰：兩陰交盡也。厥陰者九月，主右足之

足之厥陰兩陰交盡，故曰厥陰。

其氣以何月各王幾日？然冬至後得甲子，少陽王，復得甲

子，陽明王，復得甲子，太陽王，復得甲子，太陰王，復得甲子

少陰王，復得甲子，厥陰王，王各六十日，六六三百六十日

以成一歲，此三陰三陽之王時，日大要也。

此一節言三陽三陰之所王時，日大要也。夫三陽三陰

脉雖有異。而脉氣之來。果宜王于何月。而何月之中。又各王幾日也。然冬至之後。陰極陽生者也。故初得第一甲子。少陽之氣生。其所王者六十日焉。歲有閏月。有大小。大約在十一二月正月也。當此之時。其氣尚微。其候尚寒。故脉之來也。大小靡定。長短不居者如此。自是而得第二甲子。陽明之氣王。其所王者六十日焉。大約在正二三月也。當此之時。其氣始萌。未盛。其候始暄。故脉之來也。浮大之中。而又見其短者如此。自是而得第三甲子。太陽之氣盛。其所王者六十日焉。大約在三四五月也。當此之時。其氣大盛。其候大熱。故脉之來也。洪大

而長者如此。自是而得第四甲子。則夏至一陰生矣。太陰之氣生。其所王者六十日焉。大約在五六七月也。當此之時。其氣承夏餘陽。陰氣初生。其候暑溫。故脉之來也。緊大而長者如此。自是而得第五甲子。少陰之氣盛。其所王者六十日焉。大約在七八九月也。當此之時。陽氣衰微。陰氣漸盛。其候清涼。故脉之來也。緊細而微者。如此。自是而得第六甲子。厥陰之氣歛。其所王者六十日焉。大約在十月十一月也。當此之時。陰氣極盛。其候寒凝。故其脉之來也。沉大而敦者如此。由其各王六十日。故六六三百六十日。而一歲以成矣。此乃三陽三

陰之所王時日大要也。焉得謂之平脉與病脉哉。

附

考證

本節之辭內經無之今諸篇有素問六節藏象論
意義稍合者當載之以脩參考

素問六節藏象論

帝曰。藏象何如。岐伯曰。心者。主之本。神之變也。其華在面。其充在血脉。爲陽中之太陽。通於夏氣。肺者。氣之本。魄之處也。其華在毛。其充在皮。爲陽中之太陰。通於秋氣。腎者。主蟄封藏之本。精之處也。其華在髮。其充在骨。爲陰中之少陰。通於冬氣。肝者。罷極之本。魂之居也。其華在爪。其充在筋。以生血氣。其味酸。其色蒼。此爲陽中之少陽。通於春氣。素問診要經終篇岐伯曰。正月二月天氣始方。地氣始發。人氣在肝。三月四月天氣正方。

地氣定發。人氣在脾。五月六月。天氣盛。地氣高。人氣在頭。七月八月。陰氣始殺。人氣在肺。九月十月。陰氣始冰。地氣始閉。人氣在心。十一月十二月。冰復。地氣合。人氣在腎。脉要精微論。岐伯曰。冬至四十五日。陽氣微上。陰氣微下。夏至四十五日。陰氣微上。陽氣微下。陰陽有時。與脉爲期。素問藏象法時論。岐伯曰。肝主春。足厥陰少陽主治。其日甲乙。肝苦急。急食甘以緩之。心主夏。手少陰太陽主治。其日丙丁。心苦緩。急食酸以收之。脾主長夏。足太陰陽明主治。其日戊己。脾苦濕。急食苦以燥之。肺主秋。手太陰陽明主治。其日庚辛。肺苦氣上逆。

急食苦以泄之。腎主冬。足少陰太陽主治。其日壬癸。腎

苦燥。急食辛以潤之。開腠理。致津液。通氣也。按此篇諸家註釋向

來。勝。靡。不。明。並。未。嘗。揭。出。何。經。為。少。陽。何。經。為。陽。明。等。

論。或。即。以。時。候。為。少。陽。陽。明。等。意。釋。之。余。思。平。人。氣。象。

於。筋。上。分。明。着。人。身。經。脈。言。况。時。候。之。脈。正。人。身。各。經。

之。脈。以。形。之。而。胡。可。不。明。以。各。經。釋。之。也。太。陰。少。陰。之。

說。又。於。時。候。何。着。耶。但。厥。陰。之。脈。以。肝。又。似。手。心。主。今。

以。手。心。主。釋。之。者。以。肝。主。於。春。也。且。陰。陽。類。論。之。所。謂。

一。陽。二。陽。三。陽。三。陰。二。陰。一。陰。者。何。也。余。嘗。反。覆。思。之。

熱。論。論。傷。寒。一。日。太。陽。受。之。二。日。陽。明。受。之。三。日。少。陽。

受。之。四。日。太。陰。受。之。五。日。少。陰。受。之。六。日。厥。陰。受。之。蓋。

三。陽。在。外。三。陰。在。內。其。表。裏。不。可。紊。故。有。治。陰。陽。捷。法。

當。知。厥。陰。最。內。故。曰。一。陰。少。陰。在。厥。陰。之。外。故。曰。二。陰。

太。陰。在。少。陰。之。外。故。曰。三。陰。少。陽。為。三。陽。之。內。故。曰。一。

陽。陽。明。在。少。陽。之。外。故。曰。二。陽。太。陽。在。陽。明。之。外。故。曰。三。

陽。其。論。三。陽。先。少。陽。者。蓋。陽。氣。自。少。而。盛。由。內。以。達。

外。故。必。少。陽。以。為。始。論。三。陰。先。太。陰。者。蓋。陰。氣。隨。時。而。

漸藏。由外以之內。故必太陰以爲始耳。此熱論一篇。雖止指足經。然據陰陽類論。陰陽別論。推之。則手經同矣。又嘗考四氣調神大論云。逆春氣則少陽不生。肝氣內變。逆夏氣則太陽不長。心氣內洞。逆秋氣則太陰不收。肺氣焦滿。逆冬氣則少陰不藏。腎氣獨沉。觀此。則知春夏以府言。陽氣爲重也。秋冬以藏言。陰氣爲重也。亦可。以明此篇之意矣。又張世賢以前三十日爲足經。王後三十日爲手經。王假如人迎氣口病證。必先足而後手。如此處殊爲無據也。大凡經言少陰陽明之類。有曰手者。有曰足者。又有不曰手足而竟言少陽陽明等語。惟神聖則自明於心。語無所拘。而後人則多惑多解耳。其可以辨之不明也哉。

八難曰。寸口脉平而死者。何謂也。然諸十二經脉者。皆係於生氣之原。所謂生氣之原者。謂十二經之根本也。謂腎間動氣也。此五藏六府之本。十二經之根。呼吸之門。三焦之原。一名守邪之神。故氣者。人之根本也。根絕則莖葉枯。

矣。寸口脉平而死者，生氣獨絕於內也。

此一篇言有寸口脉平而死者，以生氣之原獨絕於內也。言一難以十二經中皆有動脉，獨取寸口以決五藏六府之死生，則寸口之脉平者，宜乎其不死矣。而有等脉平而死者，何也？然諸凡十二經脉者，雖有不同，要皆係于生氣之原。李晞范云：發生脉氣之根原。所謂生氣之原者，謂十二經之根本也。即腎間動氣是也。按腎俞兩穴，係十四其命門一穴，正當十四椎下，在左右腎俞穴之中，則此命門者，後附於腰前通於臍下一寸五分，名曰氣海，又名睛眇，又名下有所謂男子生氣之海者是也。正所謂腎間動氣者是也。又李晞范云：兩腎間之動氣，乃人所受于父母之原氣，又氣衝之脉，起于兩腎之間，此乃五藏六府之本，十二經之

根呼吸以之而為門

腎挾任脈上至喉咽通喘息為呼吸之門

三焦以之而

為原

三焦以腎氣為本原按此三焦恐當是手少陽之三焦也蓋少陽與心主為表裏合於右腎故耳但

據越人則以上中下之三焦與手少陽之三焦混而為一其大義見二十五難之下邪氣賴之以

為守

原氣勝則所以一名為守邪之神故此腎間動氣百邪不侵

者即生氣之原人之根本也若根絕則莖葉枯矣是以

寸口脈平而死者正以腎間動氣獨絕於內也夫原者

如水之有源也本者如木之有根也門者出入之處也

神者至尊之稱也其詞不一皆極道其為至尊至要之

謂耳篇內曰生氣之原曰氣曰生氣皆腎間動氣也蓋

有腎間動氣則有下部尺脈此十四難之所以重天下

部尺脉也。其義可謂脗合者矣。由此觀之。則寸口與尺脉俱平者。不病之脉也。有寸口而無尺脉者。死脉也。為可泥夫一難之以寸口為主。而獨遺夫尺部哉。此乃越人發為八難與十四難之意也。當與一難而反觀之。斯無餘蘊者矣。按本難之難。中經無之。蓋越人論一難。可

以足其意。又按虞氏曰。兩腎之間。動氣者。乃人之所受父母之原氣也。腎者北方子之正位也。元氣始於子。受者坎之方位。坎者即父母之元氣也。謂乾為天。為父。坤為地。為母。今坎之初六六三。乃坤之初六六三也。坎之九二。乾之九二也。謂乾坤交於六三九二。而成坎卦。坎主子位。所以元氣起於子也。腎者水也。黃庭經云。是水之精。坎之氣。令言兩腎之間。即人之原氣也。

九難曰。何以別知藏府之病。然數者。府也。遲者。藏也。數則

爲熱。遲則爲寒。諸陽爲熱。諸陰爲寒。故以別知藏府之病也。數音切

此一篇言卽遲數之脉可以知藏府之病也。言人之一身有五藏六府之殊。其有病也。果何以別。其爲藏與府乎。然欲知藏府之病。惟脉以別之而已。盖一呼一吸爲一息。脉來四至而閏以大息。脉來五至。是曰平人。所謂不病之脉也。苟有一息六至而爲數者。正以六府有病。故脉斯太過而爲數耳。有一息三至而爲遲者。正以五藏有病。故脉斯不及而爲遲耳。且是數者何也。六府之熱所致也。非熱則不數矣。遲者何也。五藏之寒所致也。

非寒則不遲矣。然不特卽數脈而可知其爲熱。凡諸陽脈來見者。皆可以知六府之有熱也。不特卽遲脈而可知其爲寒。凡諸陰脈來見者。皆可以知五藏之有寒也。信乎寒熱爲藏府之病機。而遲數爲諸脈之統宗。故可以別知藏府之有病也。

正考證

素問陰陽別論岐伯

曰遲者爲陰。數者爲陽。

正考證

遲數之脈。屢見于經。

數脈爲府病者。惟此云然。按脈之數者。五藏亦有熱。脈之遲者。六府亦有寒。越人以數主于府。遲主于藏者。何也。愚意內傷之疾。其數也。藏亦有熱。而不止于六府。其遲也。府亦有寒。而不止于五藏。越人之言。意者主于外感歟。熊宗立云。傷寒論太陽陽明少陽三陽受病。屬府。府爲陽。陽主熱也。太陰少陰厥陰三陰受病。屬藏。藏爲陰。陰主寒也。是知諸陽爲熱。諸陰爲寒。寒則脈遲。熱則脈數。故可別知藏府之病也。按張仲景云。凡脈浮大數

動滑此名陽也。脈沉澁弱弦微此名陰也。所謂諸陽爲
熱諸陰爲寒者可知矣。又曰寸口脈浮爲在表沉爲在
裏數爲在府遲爲在藏假令脈遲
此爲在藏也其與此難正相似歟。

正義卷之一